

劍南詩稿

冊十四

劍南詩稿卷第六十一

宋陸游務觀

乙丑元日

好在屠蘇酒扶衰把一卮家貧爲壽略曆閏換年遲  
薦廟須扶拜題門強綴詩惟思買春困熟睡過花時  
俗有賣春困者予老憊思睡故欲買之

元日讀易

伏羲三十餘萬歲傳者太山一毫芒春秋雖自魯麟  
絕禮樂蓋先秦火亡孟軻財能道封建孔子已不言  
鴻荒於虜易學幸未泯安得名山處處藏

自開歲陰雨連日未止

江雲漠漠雨昏昏歸老山陰學灌園十里羊腸僅通  
路三家鐺腳自成村應時鱠飴聊從俗耐久鍾馗儼  
在門近縣傳聞頗多盜呼兒插棘補頽垣俗有年鱣鮓

之語予貧甚今歲遂不能易鍾馗

枯菊

翠羽金錢夢已闌空餘殘藥抱枝乾紛紛輕薄隨流水黃與姚花一樣看

又

積雪嚴霜轉眼空春回無處不春風欲知造物無窮妙但看萱根與菊叢

村舍雜興

冉冉年華速昏昏睡思濃廢書心自愧謝病客能容雨急鐘微度溪湍確自春可憐燈下影隨處伴衰慵

又

堅臥非由病端居不是齋世情元自薄人事固多乖晨飯炊稊米宵行點豆藍昔人言可用第一忌安排徐仲車有請問于安定先生先生曰莫安排

又

白首返吾鄉功名罷激昂掃除魔眷屬砭熨病膏肓

老圃勤供菜蠻童解炷香黃昏那用問且喜日舒長

又

粥罷重投枕

晨起粥後再睡最佳

燈殘起讀書閉門常

自得作計更誰如箭茁白於玉椶花長比魚盤殮有  
此味勿怪食無餘

又

遊宦風波惡還家日月長厭煩思病忘避俗欲陽狂  
絕意功名會收身翰墨場箸書吾豈敢尚可述農桑

夜興

窮巷行人絕高城漏鼓稀劇談頻翦燭久坐旋更衣  
飢鼠衝人過啼鴉冒夜飛客歸吾未睡孤影自相依  
示鄰曲

北陌東阡好弟兄耄年幸復主齊盟同嘗春韭秋菘  
味共聽朝猿夜鶴聲百世不忘耕稼業一壺時敘里  
閭情諸孫識字吾真足安用鵬搏九萬程

夢中作

華山敷水本閑人一念無端墮世塵八十餘年多少  
事藥爐丹竈尚如新

春雨

倚闌正爾受斜陽細雨霏霏渡野塘本爲柳枝留淺  
色却教梅蕊洗幽香小霑蝶粉初何惜暫澀鶯聲亦  
未妨造物無心寧徧物憑誰閑與問東皇

艸堂

幸有湖邊舊艸堂敢煩地主築林塘辛幼安每欲爲築舍  
予辭之遂止漉殘醅瓮葛巾溼插遍野梅紗帽香風緊  
春寒那可敵身閑晝漏不勝長浩歌陌上君無怪世  
譜推原自楚狂陸氏舊譜云本出接輿後

道室

簪遇風山第六爻脩然盡謝俗間交謀生舊買雲二  
頃託宿新分鶴半巢露下丹芽生藥壠月明金粉落  
松梢眉間喜動君知否借得丹經手自抄

旅次有贈

黃鶴樓前逢劍客，青衣江口見詩人。  
天涯莫起漂零感，物外終爲自在身。  
賣馬求船雖少日，阻風中酒動兼旬。  
中原早晚胡塵靜，緱月嵩雲要卜鄰。

雜感五首以不愛入州府爲韻

莘渭二老人，耕釣俱白首。  
功烈在人間，如天有北斗。  
方其未遇時，自處固不苟。  
夫豈邀虛名，欲眩千載後。  
降及秦漢王，望古猶培塿。  
猶能守所聞，外物不得誘。  
君看魯二生，亦豈聖人偶。  
凜然諸儒間，人可我獨不。

又

山棲天與癖，酒復甚所愛。  
雖云慚黃綺，亦慕稽阮輩。  
失腳落人間，二事略皆廢。  
晚歸臥雲壑，謂此在券內。  
如何疾屢作，大與初意背。  
好山雖在眼，動步輒有礙。  
酒戒復堅持，如隄憂蟻潰。  
何以遣餘年，閉戶淡煑菜。

又

鸞鳩搶榆枋，枯魚過河泣。  
鵬鯤九萬里，此豈汝所及。  
丈夫志古人，絕世而獨立。  
遠遊馬蹏穿高臥，劍鋒澀。

其初所抱負固自高業安能與兒曹俛首就維繫  
君看折腰趨孰若舉手揖芝老尚可餐修門戒輕入

又

涪水初平時艸木充九州禽獸孳育繁與人爲敵讎  
于時聖人作日夜爲民憂思有以勝之食肉而服裘  
然後人奠居禾黍歲有秋豈知千載後戕殺無時休  
一食刀机赤百味供膳羞豪侈方相誇哀哉非始謀

又

我年甫三十出身事明主狂愚斥不用晚辟征西府  
蹭蹬過錦城邂逅客嚴武十年醉郵筒陽狂頗自許  
青城訪隱翁西市買幽圃如何復不遂歸聽鏡湖雨  
結廬三間茅泛宅一枝艸天真儻可全吾其老煙浦

自詠絕句

雙鬢蕭條失故青躬耕猶得養餘齡明時恩大無由

報欲爲鄉鄰講孝經

又

深村人有結繩風晚歲身爲帶索翁  
啜粥茹蔬茅屋底誰知也過百年中

又

不淪鬼錄不登仙遊戲杯觴近百年  
小市跨驢寒日裏任教人作畫圖傳

又

逆旅門前撥不開先生醉策蹇驢來  
未言乞得囊中藥一見童顏且壓災

又

遠遊索手不賣糧薪米臨時取道傍  
今日晴明行亦好經旬風雨住何妨

又

一條紙被平生足半盃藜羹百味全  
放下元來總無事雞鳴犬吠送殘年

又

平生寧獨愛吾廬何處茅簷不可居  
晝闕僮奴停接



客夜無膏火罷觀書

又

睡著何曾厭夜長  
老人少睡坐何傷  
無燈無火春寒惡  
破絮麤氈卽道場

風月吟

去日如馳衰有驗  
萬事惟當就收斂  
可憐未與酒相忘  
風月婆娑猶不厭  
有時清夜行中庭  
幅巾藜杖影玲峴  
松風十里吹殘夢  
蘿月三更照半醒  
河傾雞唱吟未已  
爽透髮根清入齒  
晨光底事不貸人  
轆轤汲水啼鷓起

年光

無賴年光逐水流  
人間隨處送悠悠  
千帆落浦湘天晚  
孤笛吟風鄂縣秋  
小市鶯花時痛飲  
故宮禾黍亦閑愁  
久留只恐驚凡目  
又向西涼上酒樓

龜堂

莫笑龜堂陋  
生涯實有餘  
春寒擁重褐  
晨飯富藏蔬

薄技雕蟲爾虛名畫餅如兒時論語在敢負此心初  
春晴

春如人易老老愁與漏俱長酒著多思睡花熏直欲狂  
新晴乾蝶翅微暖滑鶯吭誰見龜堂叟搯藤送夕陽  
閉門

殘髮凋零不滿巾閉門聊得養天真恐傷藥艸停除  
地爲惜松槎禁伐薪獨木架成新略約一峯買得小  
嶙峋蕭然便覺渾無事談笑時時過近鄰

又

衰疾厭厭不易醫閉門惟與睡相宜狂曾忤物慵迎  
客瘦不勝衣悔作詩數簡隱書忘世味半甌春茗過  
花時寂寥終歲君無諠正是幽居一段奇

有所感

世事真成風馬牛細思愈覺此生浮舊交散後知心  
少行路難來出戶愁氣節陵夷誰獨立文章衰壞正  
橫流魯中狂士今安有淚盡朱雲艸滿丘

八十一吟

八千古云耄吾今不啻過山程兩芒屨水宿一漁蓑  
雞唱劉琨舞牛疲甯戚歌春寒欺短褐將奈此翁何

高吟

食少支撐惟恃粥力衰舉動輒須人誰知造物猶遺  
漏擁鼻高吟又一春

湖上作

耳目聰明手足輕應酬幽事未忘情百年日向漁樵  
過千里雲從几席生樽酒每招鄰父共圖書時與小  
兒評但餘煙水無儔侶堪笑沙鷗欲抗衡

賞花

湖上花光何處尋朱朱白白自成林衰翁何預傷春  
事閑客猶懷愛物心欲墮每愁風驟起正開却要日  
微陰蘭亭禹廟平生事一榼芳醪莫厭深

園廬

天假殘年使荷鋤白頭父子守園廬四朝曾遇千齡

會七世相傳一束書物理從來多倚伏人情莫遣得  
親疎功名自有英雄了吾輩惟當憶遂初

乍晴行西村

堤樹叢祠北煙村古埭南買魚論木盍挑薺滿荆籃  
積潦經旬月晴光見二三農功殊可念保麥復祈蠶  
書歎

塵甑炊畬粟羸僮策蹇驢自從行卷日直至挂冠餘  
揣分元知止求官實抱虛園蔬幸無恙父子日攜鋤  
新製小冠

淺醉微吟獨倚闌輕雲淡月不多寒悠然顧影成清  
歎新製柈欄二寸冠

又

柈欄冠子輕宜髮練布單衣爽辟塵縱不能詩亦堪  
畫年餘八十水雲身

書逆旅壁

市遠過三里店孤無四鄰窄纔容一客久或住經旬

病軀求風藥樵兒魄爨薪人情愈諳熟來往不辭頻  
倚樓

曲曲闌干縹緲間哦詩本欲破除閑無端又起天涯  
感淡墨生綃數點山

又

樓上憑闌小立時淡煙漠漠雨絲絲年光日日有佳  
處不解春寒偏入詩

小雨

小雨明復聞餘寒去又來新苔緣砌上殘杏過籬開  
垂老身餘幾逢春心尚孩江天近寒食林外過輕雷

書歎

無能自號癡頑老尚健人驚矍鑠翁未向松根藏病  
骨尚尋花底醉春風翩翩孤影如歸鶴冉冉流年付  
斷蓬曾謁高皇識隆準傷心無復一人同

紹興朝士自  
周丞相下世獨予尚在爾

遷雞柵歌

烏雞買來逾歲年庭中赤幘何昂然吾孫初生畏晨  
唱家人共議欲汝捐烏窮必啄奴豈憚雞賣將烹吾  
所憐貴人賤畜雖古訓物理寧不思兩全舊棲況亦  
苦沮如新柵幸可圖完堅東園稍去房奧遠挾雌將  
雛從此遷竹簟朝莫有餘粒瓦缶亦自盛清泉啾啾  
風雨守汝職膈膊勿恤驚吾眠

春興

暖靄催柔眼睛光長艸心沙平看臥犢密葉聽鳴禽  
買酒貧爲祟登山病不禁終年惟一褐捫蝨又春深

小園

蕭散遺塵事栽培得小園土鬆花意活林暖鳥言繁  
殮酪供晨鉢蒞芹薦晚樽餘年君莫問送老向孤村  
二月晦日夜夢欲卜居近邑道遇老父告以不  
利欣然從之

夢中行卜居道遇白髯叟一面出苦言戒我棄勿取  
人之生實難失腳墮虎口我深感其言解衣奉杯酒

豈知立談間得此直諒友起坐心茫然天闕樓挂斗  
新晴

苦雨幾終月新晴喜夕陽扶行呼稚子隨意下茅堂  
艸茂知麀健巢新覺燕忙興闌歸亦好袖手獨焚香

病中作

苦雨侵衰骨餘寒著弊裘病多辭社飲貧甚輟春遊  
日日親蔬圃時時弄釣舟回頭語造物與子兩無求

示子適

敢恨吾生後聖賢六經雖缺尚成編本來堯舜身親  
見孰謂丘軻道不傳妙理豈求逢腋外淳風寧在結  
繩前此身未死還堪勉更伴吾兒學數年

窮居

羸病無時已窮居只自悲巾偏非雨墊衣弊豈塵縑  
米盡時炊稗樽空慣啜滴逐貧雖有賦乞食未成詩

春晚自近村歸

山陰道上柳如絲策蹇悠悠信所之曲水已過修禊

集餘寒不減試燈時貧猶自力常謀醉病不能閑日  
賦詩誰道茅簷苦幽獨一鉤新月是相知

開孫滿月

夜夢奇童拜且言今乃幸得生高門夢後一日得開  
孫虎兒墮地百獸奔未論頭角與眉宇但聽啼聲誰  
敢侮就令長大未必奇亦作人間孔文舉

小築

西郊小築臨煙汀南山秀色入窗櫺朝鐘暮鼓在何  
許乃是會稽山陰之蘭亭堂中老人白鬚鬢手扶藤  
杖垂九齡客來不語坐至夕往者絕物今忘形牆隅  
老雞新樹柵長號催上東方星老人亦起穿兩屨巖  
泉漱齒讀黃庭

春晚歎

一風已快晴微雲復成雨盛麗女郎花坐看委泥土  
蜂房蜜已熟科斗生兩股堂堂一年春結束聽杜宇  
老夫久臥疾乃復健如許便當裹米糲爛醉作端午



鳴鴉

翩然一鴉升，倏爾一鴉下。非惟飽殘餘，亦可免彈射。  
巡簷攫脯脩，入舍掠膾炙。嗟汝無盈厭，坐是取驅嚇。  
物情貴能改，一眚亦可貴。併語黃雀羣，勿輕敗吾稼。

舍東四詠

疎籬

數掩圍柴荆，王維畫不成。尤憐月中影，特地起詩情。

松棚

松棚尋丈地，客至共開顏。堪笑杜陵老，坐思千萬間。

盆池

寒溜初通後，新荷未長時。誰持大圓鏡，爲我照鬢眉。

小徑

環遶無十步，捷行財半之。安西九千里，自有著鞭時。

示元敏

學貴身行道，儒當世守經。心心慕繩檢，字字講聲形。  
吾已鬢眉白，汝方衿佩青。良時不可失，苦語直須聽。

莫春

掠面微風吹宿醒送春空有不勝情  
風煙老盡王孫艸時聽桑間小婦聲

又

辛夷海棠俱作塵鯨魚蓴菜亦嘗新  
一聲布穀便無說紅藥雖開不屬春

又

市橋岸下泛湖舟雕檻疎簾半上鉤  
春事幾何君惜醉明朝赤幟插譙樓  
遊湖至立夏止

又

祓除已過莫春初綵舫相銜十里餘  
浮蠟喜嘗新店酒流塵閑拂壞垣書

書感

楚些三難招去幹魂正令舌在向誰論  
中分白日歸欹枕全付青春與杜門  
凜凜啞人愁履虎區區染指畏嘗龜  
殘年誓報嗟何有虛負明時養老恩

晨起出南堂

曉枕華胥誰喚回下堂拽杖一悠哉啼鴉已逐晨光  
起飛鷺初衝宿靄來石路少行生蔓艸柴扉多閉長  
莓苔身閑亦未全無事檢校幽花幾樹開

春晚小飲

病臥虛齋一味慵今年春事又成空籜龍奮迅風雷  
際木筆凋零霧雨中平野艸深黃犢健斷溪水長晝  
船通小兒偶得官樓酒鱉醢鮓乾一醉同

殘春

江鶯堆盤粒粒香山家節物亦窮忙桑間甚紫蠶齊  
老水面秧青麥半黃語燕似催春事去遊絲不似客  
愁長鄉村年少那知此處處喧呼蹴鞠場

又

過了清明日愈遲年華不復在辛夷誰知綠葉陰成  
處正是青天露坐時茂艸滿庭喧鼓吹嫩湯出鼎試  
槍旗衰翁敢作明年計剩與東君惜語離

聞山步有虎  
苑屋穿漏雨送春村路斷絕虎啞人采桑鋤麥皆結  
伴兒童出門翁媪嗔

久雨初霽

兩月泔泔雨不休今年春盡尚重裘水深艸茂羣龜  
怒日出風和宿麥秋陂壞隄防誰與築市遙鹽酪絕  
難求農家辛苦尋常事賣劍方當更買牛

初夏幽居雜賦

雨霽逢初夏胡牀蔭綠槐半酣方嵬峩假寐忽哈臺  
小穗閑簪麥微酸細嚼梅衰翁不禁老更著物華催

又

過盡一春雨園林氣少和偶然扶柳栗復爾坐盤陀  
小艸數行字殘花一曲歌公卿非傲汝無奈愛閑何

又

水際閑將鶴林間獨擁琴披叢采香艸映樹看珍禽  
正使居無屋猶勝突不黔過春差覺健處處得幽尋

又

籬落魚池北房權道院東水紋藤坐榻山字素屏風  
采藥松岡近投竿荻浦通悠然搔短髮心事寄冥鴻

又

曲曲羊腸徑疎疎鹿眼籬渴蜂窺硯水狂蝶入書帷  
一枕輕安夢數聯蕭散詩餘生已過足不必到期頤

又

闢地翦蓬蒿何曾歎作勞藥名尋本艸蘭族驗離騷  
北澗穿籬過南山出屋高回頭看富貴何啻一秋毫

又

修名寧復冀餘日苦無多已歎堂堂去將如寂寂何  
編籬護香艸埋盜貯清波兒戲君無笑相從且浩歌

雨

家近蓬萊白玉京艸堂登望不勝清初驚野色昏昏

至已見波紋細細生殘醉頓消迎亂點微吟漸苦入  
寒聲只愁今夕虛簷滴又對清燈夢不成

自閔

主人元是客儒士却成僧垂老貧如昔經春醉未曾  
褰衣身偃僂顧影髮鬢髻忽憶東岡路捫蘿試一登

蔬食

牆陰春薺老筍蕨正登盤野饑元無婦村醅不屬官  
何由取熊掌幸免買豬肝猶勝煩秦相綈袍閔一寒

讀阮籍傳

天生父子立君臣萬世寧容亂大倫籍輩可誅無復  
議禮非為我為何人

杜宇行 鄉中以杜宇早鳴為蠶麥不登之候

去年杜宇號阡陌家家聚首憂蠶麥豈惟比屋衣食  
憂縣家亦負催科責今年略不聞杜宇蠶收麥熟人  
歌舞豈惟襦新湯餅寬隣里相約先輸官

捕虎行 自故歲有三虎出上臯天衣山谷近者尤為人害捕

之未獲

山村牧童遭虎噬血肉俱盡餘雙髻家人行哭覓遺

骨道路聞之俱掩涕  
州家督尉宿山中  
已淬藥箭攢長弓  
明朝得虎徹檻  
穿縑絲擣麩歌年豐

遣興

前歲峩冠領石渠  
卽今山市醉騎驢  
目衰書卷研求  
懶心弱詩章鍛鍊  
疎風雨吾廬嗟獨破  
齋鹽每食歎無餘  
燈前却有欣然處  
稚子談經屢起予

三齒墮歌

一葉落知天下秋  
三齒墮矣吾生休  
詩人未脫紈袴  
態尚樂華屋  
悲山丘  
蓼花荻葉可以解我憂  
鷓鴣白鷺可以從我遊  
君看貂蟬與兜鍪  
等爲岑岑壓我頭  
豈知石闌干下買簫笠  
一棹飄然煙雨舟  
不須強預家國憂  
亦莫妄陳帷幄籌  
功名富貴兩悠悠  
惟有杜宇可與謀

龜堂初暑

淪漪一曲遶茅堂  
葛屐紗巾喜日長  
多事林鳩管晴  
雨  
依人海燕度炎涼  
深枝著子纍纍熟  
幽艸開花冉

冉香安得此時江海上與君袖手看人忙

衰歎

十年三墮齒久矣歎吾衰  
亶亶循天理兢兢到死時  
窮空顏子巷勤苦董生惟道遠  
餘生趣常憂日影移

初夏閑步村落間

薄雲韜日不成晴野水通池漸欲平  
綠葉忽低知鳥立青萍微動覺魚行  
醉遊放蕩初何適睡起逍遙未  
易名忽遇湖邊隱君子相攜一笑慰餘生

夜興

鬢毛飽受雪霜侵一褐蕭條寄故林  
簷雨滴回羈枕夢城笳喚起塞垣心  
平生恥露囊中穎垂老甘同爨  
下琴燈燼欲殘看瘦影不妨袖手坐惜惜



劍南詩稿卷第六十一終

Faint vertical text columns, likely bleed-through from the reverse side of the page. The text is largely illegible due to fading and ghosting.

劍南詩稿目錄

卷第六十二

寄十二姪 出塞四首借用秦少游韻 命駕

遊山遇雨 東籬雜題五首 書事二首

乙丑重五二首 夏夜枕上 石帆夏日二首

仲夏風雨不已 幽居 齒落 雨中排悶

逆境 夜興 寄題李季章侍郎石林堂

流年 雨中鋤藥 自嘲 世事 悲齒落自

解 送十五郎適臨安 幽居夏日二首 大

雨 思雲門 夏夜 觀身 養氣 日用

村市醉歸 夏日感舊四首 雨後 東軒

寄子虞子通 寄張季長 夏夜二首 讀趙

昌甫詩卷 海氣 村居 戒殺 庭中夜賦

秋近 歎老 殘暑得小雨頗涼 乙丑夏

秋之交小舟早夜往來湖中戲成絕句十二首

初秋四首 秋陰出遊 杜宇 養生 初秋夜

賦二首 殘年 記夢 村飲 老鰥 對食作

七月十九日大風雨雷電 湖上 欲雨

秋懷四首 食新 予初仕為寧德縣主簿而

朱孝聞景參作尉情好甚篤後十餘年景參下

世今又幾四十年忽夢見之若平生覺而感歎

不已 讀書 諭鄰人三首 示小廝二首

雨 數十五 雨 幽 日

雨 幽 日

雨 幽 日

雨 幽 日

雨 幽 日

雨 幽 日

雨 幽 日

雨 幽 日

雨 幽 日

雨 幽 日

劍南詩稿卷第六十二

宋陸游務觀

寄十二姪

庚寅吾入蜀西過齊安城雪堂拜老仙眉宇寒崢嶸  
微泉尚如昔激激琴筑聲龍蛇入筆力斷石臥縱橫  
戊戌奉詔追觸熱萬里程歸途抵齊安歲月浩可驚  
三日乃東下鼓角遙送迎安國有老僧元祐初載生  
蟬聯說舊事耳目猶聰明徒行就舸別耿耿惻愴情  
豈知二紀後汝乃爲此行追懷昔遊地未語涕已傾  
念汝雖竝塞殘虜方守盟職雖在警盜袍鼓寂不鳴  
惟當奉法令日夜撫孤惇官卑俸入薄切勿厭藜羹  
勇如赤壁戰節若江水清人誰不汝知況事賢公卿  
三山與七家相望兩柴荆歸來講學暇襪襖同春暉  
出塞四首借用秦少游韻

北伐下遼碣西征取伊涼壯士凱歌歸豈復賦國殤  
連頸俘女真貸死遣牧羊犬豕何足讎汝自承餘殃

又

煌煌藝祖業土宇盡九州當時王會圖豈數汝黃頭  
所謂黃頭女真今茲縛纛下狀若鷩鯨牛萬里獻太社  
裨將皆通侯

又

符離旣班師北討意頗闌志士雖有懷開說常苦艱  
諸將初北首易水秋風寒黃旗馳捷奏雪夜奪榆關  
又

小醜盜中原異事古未有爾來閩左起似是天假手  
頭顱滿沙場餘截飼豬狗天網本不疎貸汝亦已久

命駕

命駕清晨出射堂筇枝羽扇受微涼  
鷗將數子窺苔井桐引新枝出粉牆  
岸幘影邊茶正熟投壺聲裏日初長  
興闌却蹋湖隄去十里山花滿袖香

遊山遇雨

千秋觀前雨溼衣石帆山下叩漁扉  
鷓鴣苦道行不得杜鵑更勸不如歸

東籬雜題

終日在東籬清和適此時鸞聲如妬夢  
花氣欲撩詩愛客茶新碾留僧飯別炊  
流年隨手過不覺近期頤

又

深居遠悔吝簡事養精神曳杖一蕭散  
待茶時欠伸風生叢竹嘯露圻野花新  
自作東籬後經旬不過鄰

又

昨日一花圻今朝一艸生深林鳩婦聒  
高棟燕巢成熟果檐間墮殘書枕畔橫  
菴居澹無事作意領新晴

又

南陌歸雖久東籬興又新無求覺身貴  
好儉失家貧引水常終日栽花又過春  
桃源不須覓已是葛天民

又

溝聲流激激籬影立疎疎平日來澆藥臨昏尚看魚  
比鄰怪疎索風月伴躊躇安得王摩詰憑渠畫草廬

書事

本來只道千鈞重看破元無一羽輕日月光明天廣  
大不妨獻傲過平生

又

燕雛學母飛初熟梅子團枝亦半黃塵尾唾壺俱屏  
去尚存餘習炷爐香

乙丑重五

盤中共解青菰粽衰甚猶簪艾一枝寂莫廢詩仍止  
酒今年真負此佳時

又

飛棹中流救屈平俚歌寧復楚遺聲危冠更在門楣  
上但覺蕭敷與艾榮

夏夜枕上

臥聽殘更下麗譙雖非遙夜亦迢迢正令展轉無安

枕猶勝龍鍾趁早朝

石帆夏日

石帆山下雨冥冥  
閑岸紗巾憩草亭  
單複篝衣時脫著  
甜酸園果半黃青  
鰈魚無隊依蒲藻  
病鶴長鳴鍛翅翎  
自笑若爲消永日  
異書新錄相牛經

又

短棹飄然信所之  
茶園漁市到無時  
風從蘋末蕭蕭起  
月過花陰故故遲  
蓴菜煮羹吳舊俗  
竹枝度曲楚遺辭  
頗聞項里楊梅熟  
鄰曲相招莫後期

仲夏風雨不已

南陌東阡自在身  
一年節物幾番新  
鱒魚出後鶯花鬧  
梅子熟時風雨頻  
冠蓋敢同修禊客  
桑麻不減避秦人  
夕陽更有蕭然處  
照影清溪整葛巾

幽居

旌節庭下葵鼓吹  
池中蛙坐令灌園  
公忽作富貴家  
浮生均一鬪事過  
但興嗟  
蚩蚩彼何人  
欲摘空中花



牆隅蔬可挽巷口酒可賒疎懶遂吾性不賣東陵瓜  
齒落

昔聞少陵翁皓首惜墮齒退之更可憐至謂豁可恥  
放翁獨不然頑頓世無比齒搖忽脫去取視乃大喜  
譬如大木拔豈有再安理咀嚼浩無妨更覺彘肩美  
雨中排悶

殷殷雷繞村浙浙雨鳴砌禽魚各自適草木亦得意  
顧此菴中人老病獨顛顛飯遲每懶索兀兀方坐睡  
平生飽憂患性命已屢試但得過今朝明日可徐議  
逆境

步步常由逆境行極知造物欲其成磨礱久已盡芒  
角烹煮豈容重發生死到面前猶覺小事於身外孰  
非輕出門不必名山去但見風煙已眼明

夜興

脫冠殘髮冷颼颼北斗闌干河漢秋木未有風栖鵲  
起亭臯無月亂螢流酒慳僅得時時醉詩退難禁夜

夜愁欲睡不妨還小立一聲菱唱起滄洲

寄題李季章侍郎石林堂

林慮靈壁名宇宙震澤春陵稍居後翟公黃鶴得數  
峯對客掀髯詫奇秀我行新灘見益奇千巖萬竇雷  
雨垂古來豈無好事者根株盤踞不可移侍郎築堂  
聚衆石坐臥對之盱忘食千金博取直易爾要是尤  
物歸精識君不見牛奇章與李衛公一生冰炭不相  
容門前冠蓋各分黨惟有愛石心則同崎嶇宦路多  
危機凜然石友人間稀它時樣棹華亭岸更看全窠  
買鶴歸

流年

冉冉流年迫耄期心情漸減舊兒嬉唾壺塵尾已從  
省茶竈筆床猶自隨昨日客招東浦釣今朝僧約北  
軒棋敢將輕健誇鄰里一笑元知要及時

雨中鋤藥

庭中正苦日卓午水面忽看雲過西老子不辭衝急

雨小鋤香帶藥畦泥

自嘲

壯歲耽書廢夜眠窗明猶在短檠前如今自笑摧頽甚臥看兒曹理斷編

世事

世事如今盡伏輸面能乾唾況其餘詩才退後愁強韻眼力衰來怯細書歛迹已思焚筆硯作勞敢避把犁鉏晴空萬里寬多少一片閑雲足卷舒

悲齒落自解

年運而往君自寬此生畢竟有衰殘語訛嚼廢尋常事只作兒童礪齒看

送十五郎適臨安

求祿亦常事出門寧自由苦留雖惜別細話却生愁雨急投村市鐘殘過寺樓祇應今夕夢先汝到江頭

幽居夏日

茅舍參差煙靄中超然高興與誰同形骸已與流年

老詩句猶爭造物功  
子母瓜新間尊俎  
公孫竹長映簾櫳  
日長愈覺閑無事  
隱具成書又一通

又

內史蘭亭晚卜鄰  
永和風月凜如新  
功名不入閑人夢  
詩酒猶關老子身  
蒼淺時時聞鶯籟  
池清一一見潛鱗  
正令未逐飛仙去  
要是巢居太古民

大雨

北窗欲化莊生蝶  
睡思濛濛栖倦睫  
川雲忽帶急雨來  
萬點縱橫打荷葉  
坐收爽氣入詩律  
更借涼颼吹醉頰  
壞簷腐瓦凜欲墮  
積潦中庭深可涉  
兒愁漏溼廢夜課  
婦畏泥塗停早盥  
老翁自笑獨爾頑  
更喜煙波搖短檝

思雲門

一身膏脂略瘦盡  
萬卷簡編如隔生  
祇欲移家若耶去  
亂雲深處聽灘聲

夏夜

散髮荒池上秋聲滿綠蒲  
鱗飛乘月暗梟語似人呼  
學問無新得功名負壯圖  
拾薪炊麥飯隨事且枝梧

觀身

欲去浮華累先觀老病身  
濁醪何負汝淡飯最宜人  
意氣隨年往工夫媿日新  
祇將閑送老虛作太平民

養氣

學道先養氣吾聞三住章  
屏除金鼎藥糠粃玉函方  
凜凜春冰履兢兢拱壁藏  
高談忘力守此病最膏肓

日用

日用無淵奧其中妙理存  
但能明物性不必學玄門  
盡力扶元氣精思去病根  
昔人由此道推己及元元

村市醉歸

伏櫪元知免駭機翦翎豈復慕羣飛  
坐中客滿知心少囊裏詩多得意稀  
小市雨餘尋酒去野橋日落策

驢歸不辭十里行空翠終勝京塵化客衣

夏日感舊

北窗枕簟臥陶翁樹樹鳴蟬葉葉風睡覺殘書棲懶  
架浴回細葛覆熏籠一藤未遂名山去半卷還驚舊  
歷空妄想金丹君莫笑清班曾是長仙蓬

又

五侍仙祠兩挂冠此生略有半生閑嘯歌雨笠煙蓑  
底來往山村縣郭間一粒何當換凡骨數盃且復駐  
顏顏胡塵掃盡知何日不隱箕山卽華山予仕宦屢歷  
宮祠崇道玉局武夷佑神太平凡五任

又

吳人那慣粟漿酸茶盃聊霑舌本乾身病不堪閑客  
攪日長惟憶異書看流年冉冉誰能駐長夏迢迢亦  
已殘步有新舸君賀我西風先夢上巖灘近修小舟訖  
事村鄰多來賀

又

獨居無復客嘲邊終日頽然飽卽眠護硯小屏山縹  
緲搖風團扇月嬋娟桐陰忽見翻雙鷗石罅時聞落

細泉避暑不須河朔飲轉頭卽見早秋天

雨後

甘澍慰羣望浮雲還故墟新涼生枕簟餘潤入犁鋤  
簾上翩翩鷺蒲新鱖鱖魚素秋猶半月團扇意先疎

東軒

榴花零落滿蒼苔蒼荀忘憂亦已開湖海片帆先已  
具少安無躁待秋來

寄子虞子通

大兒再度吳門秋小兒錢塘逾月留恨身不能插兩  
翅與汝相守寬百憂聞鐘時宿雲外寺待月亦上湖  
邊樓但常保此豈不樂路難悠悠非善謀

寄張季長

髮不勝簪短褐寬每因臨鏡歎衰殘未嘗三日不服  
藥雖滿百年終闔棺舊友豈知常阻關一尊那得敘  
悲歡錦官花重應如昔直欲凌風借羽翰

夏夜

鳴蜩斷復續宿鳥久始安觸熱汗沾衣莫夜猶未乾  
梧桐獨知秋一葉墮井闌行矣戒礎杵四序環無端

又

落月不滿窗驚鵲屢移樹沉憂少睡眠亦以衰疾故  
五更忽作夢立馬青衣渡白首厭山村郵亭憶征步  
讀趙昌甫詩卷

蝸廬溽暑不可過把卷一讀趙子詩如遊麻源第三  
谷忽見梅花開一枝寄書問訊不可得握臂晤語應  
無期惟當飲水絕火食海山忽有相逢時

海氣

浴罷來水滸適有漁舟橫浩然縱棹去漫漫菰蒲聲  
海浸乃爾奇萬象空際生驂驪牧龍馬天矯騰蛟鯨  
或如舉大旗或如執長兵我欲記其變忽已天宇清  
成壞須臾間使我歎且驚世事正如此何者非強名

村居

舍後盤高岡舍前面平野防盜枳作藩蔽雨篠代瓦



村人以篠覆屋如茅  
數家相依倚百事容乞假薄莫耕  
樵歸共話衡門下

戒殺

郊居去市遠豬羊稀入饌既畜雞鶩羣復利魚蟹賤  
暴殄非所安擊鮮況親見那得屠殺業爲客美殽膳  
餘年尚有幾過日如露電豈無園中蔬敬奉君子宴  
庭中夜賦  
流汗沾衣不自支庭中散髮立多時烏烏畫角凌風  
起淡淡銀河拂地垂浮玉閑遊元自樂浣花小築亦  
何疑東歸萬里君知否要了滄洲一段奇

秋近

石榴萱草併成空又見牆陰莧葉紅茶釀頗妨千里  
夢簟涼初怯五更風新瓜落刃冰盤裏晚燕添巢畫  
閣中身健流年俱可樂故人自欠一尊同

歎老

齒墮因廢談髮短不入把餘年似殘尊欲盡不禁瀉

出門見鄉曲每恨識面寡往昔同戲兒纍纍塚盈野  
殘暑得小雨頗涼

午暑不可觸忽驚如許涼軒窗雲作暝草木雨生香  
蒲葉先秋翼蟬聲入夜長自欣無一事岸幘倚胡床  
乙丑夏秋之交小舟早夜往來湖中戲成絕句  
橫林渺渺夜生煙野水茫茫遠拍天菱唱一聲驚夢  
斷始知身在釣魚船

又

河漢橫斜斗柄低啼鴉掠水未成栖怪生凄爽侵肌  
骨船繫秦皇酒食西

又

譙門鼓角寺樓鐘一一風傳到短篷喚得放翁殘酒  
醒錦囊詩草不教空

又

小市易散無人行茫茫湖橋惟月明老夫解醒不用  
酒自有千頃菰蒲聲

又

雞頭纍纍如大珠紅草綠荷風味殊天與楊梅成二  
絕吾鄉獨有異鄉無

又

城南天鏡三百里繚以重重翡翠屏最好長橋明月  
夜寄船策蹇上蘭亭

又

酒旆搖搖出竹籬扁舟遠赴野人期一天風雨晚來  
惡落盡白蓮渾不知

又

七月湖中風露新臨流閑照白綸巾荷花折盡渾閑  
事老却尊絲最惱人

又

恰聽殘蟬禹寺門又看新月石帆村後來復有龜堂  
老千載猶應此意存

又

娥江道上欲三更垣屋參差閉月明倚柂賦詩無傑  
思斷腸分付棹歌聲

又

秋來湖闊渺無津旋結漁舟作四鄰滿眼是詩渠不  
領可憐虛作水雲身

又

夢筆橋東夜繫舸殘燈耿耿不成眠千年未息靈胥  
怒卷地潮聲到枕邊

初秋

生世元浮脆人言七十稀耄期今已及氣力固應微  
食冷常憂過追涼每念歸入秋纔幾日卷簾換縑衣

又

藉草沾衣露沿溪掠面風桐凋無茂綠蓮老有疎紅  
小約敬危度鄰園曲折通新秋得強健一笑莫匆匆

又

初夜月猶淡入秋風已清螢孤無遠照蟬斷有遺聲

命薄慚勛業才疎負聖明青鞵若耶路亦足慰平生

又

兀兀終年醉空空四壁窮那知雙雪鬢又度幾秋風  
高枕三峯老深衣獨樂翁騎驢向何許搢箠有蠻童

秋陰出遊

遮日雲生忽復收黃鴉鳴喚伴林鳩也知雨意逢秋  
作未害山翁竟日遊陌上驛亭雙隻埃煙中漁釣兩  
三舟歸遲不是尋詩料秣蹇民家偶小留

杜宇

杜宇雖微禽用意舉世稀念昔春盛時天地皆芳菲  
杜宇默無聲不畏百鳥譏東君將促駕乃獨號鳴悲  
日夜不肯休流血沾其衣念言身尚存乃使春獨歸  
飲啄雖如昔此身當疇依月明抱樹枝敢忘此獻歎  
雖無精衛勞區區亦庶幾寄言天壤間勿謂斯禽微

養生

衰病猶弱國地與齊楚隣朝憂羽書來莫畏戎車塵

奔命不敢辭所懼殘吾民羸老正類此日夜憂其身  
起居飲食間恐懼自貴珍一念少放逸禍敗生逡巡  
所以古達者訓戒常諄諄不死正爾得成真非有神  
初秋夜賦

北斗垂欲盡明河淡不流低回半枕夢蕭瑟一窗秋  
老益尊儒術閑仍爲國憂孰云生死大却已付悠悠

又

炎熇猶未伏清絕忽新秋露氣房櫳冷砧聲歲月道  
悲蛩草根語孤燐竹間流聞道河南北飛蝗暗百州  
殘年

殘年垂八十高臥豈逃名泥巷多牛迹茅簷有碓聲  
炊菰觴父老煑棗哺雛嬰遣戍雖傳說何時復兩京

記夢

環立江頭千萬峯夢中於此倚枯筇青冥誰見敬巾  
角碧瀼閑將洗筆鋒一卷素書雲笈貯數升松麩水  
機春正呼鶴駕凌風去驚覺西山煙外鐘

村飲

白稻登場喜食新太倉月廩厭陳陳叢祠懷肉有歸  
遺官道橫眠多醉人小市孤村真送老浩歌起舞最  
關身鹽醯乞貸尋常事惱亂比隣莫媿頻

老鰥

水際山前有老鰥終年無事亦非閑淵源師友簡編  
上土木形骸魚鳥間零落斷雲依釣瀨連涓新月照  
柴關葵羹稗飯悠然過一飽元非造物慳

對食作

賤士窮愁殆萬端幸隨所遇卽能安乞漿得酒豈嫌  
薄賣馬僦舡常覺寬少壯已辜三釜養飄零敢道一  
袍單飯餘捫腹吾真足首藉何妨日滿槃

七月十九日大風雨雷電

雷車動地電火明急雨遂作益益傾強弩夾射馬陵  
道屋瓦大震昆陽城豈獨魚蝦空際落真成蓋屐舍  
中行明朝雨止尋幽夢尚聽飛濤濺瀑聲

湖上

三伏無多暑漸微  
登臨清曉試縑衣  
風高病木初凋  
葉潦退流萍尚半  
扉白首重來空感  
昔清尊相屬欲  
忘歸猶憐不負  
湖山處好在平  
生舊釣磯

欲雨

正苦中天赫日流  
房櫳忽復變颼  
颼雲生江浦初  
成  
暝葉下亭臯剩  
作秋移穴族行  
憐垤蟻爭巢婦  
去歎  
林鳩人間寒暑  
何窮已礎杵行  
聞治褐裘

秋懷

少年萬里度關河  
老遇秋風感慨  
多草聖詩情元  
未  
減若無明鏡奈  
君何

又

園丁傍架摘黃瓜  
村女沿籬采碧  
花城市尚餘三  
伏  
熱秋光先到野  
人家

又

迢迢枕上望明河  
帳薄簾疎奈冷  
何不惜衣篝重  
換



火却緣微潤得香多

又

詩如水淡功差進身似雲孤累轉輕落葉擁籬門巷  
晚一枝藤杖且閑行

食新

龍鍾好在夢中身剩喜今年又食新不用更煩人祝  
鯁輪困瓜瓠是常珍

予初仕爲寧德縣主簿而朱孝聞景參作尉情  
好甚篤後十餘年景參下世今又幾四十年忽  
夢見之若平生覺而感歎不已

白鶴峯前試吏時尉曹詩酒樂新知傷心忽入西窗  
夢同在埔村折荔支

埔音浦

讀書

憶昔年少時把卷惟引睡情遊過日月自咎輒涕泗  
老來百事廢却覺書多味豈惟時有得聖域可坐致  
譬如入武庫儻况不暇視淺陋安能名出門但驚喟

天球及河圖千古所共祕幸今發其藏雖老敢自棄  
諭鄰人

鄰曲有米當共春何至一日不相容爲善何嘗分士  
農堯民皆當變時雍

又

相攻本出忿與疑能不終訟固已奇訟端可窒君試  
思歲時鄰里相諧嬉

又

世通婚姻對門扉禍福飢飽常相依忿爭得直義愈  
非不如一醉懷牒歸

示小廝

偷閑打睡汝何尤罵詈榜笞我所羞但撻一鞭隨小  
蹇不妨村路共閑遊

又

晨興略整案頭書十日庭中始掃除未免丁寧惟一  
事臨池莫釣放生魚

琴韻賦其詞賦其意

竟與如楚案頭書十日氣中欲醉卻未食丁寧辨一

又

妾不似昔年風塵

國降雖好何大黑晉對答非術蓋時辭一辨詞小

示不誤行身刺毒今年又食無

非不成一朝對期

世能散散世門氣斷斷成敵弟時對怒爭

又

思遠和機里味請識

而文本出念更張指不為想固已音結

又

莫竟只音當變報

不昧容錄善

# 劍南詩稿卷第六十二終

其

劍南詩稿目錄

卷第六十三

秋雨 江村二首 山行 天王寺迪上人房

五十年前友人王仲信同題名尚在 東窗偶

書二首 乙丑七月二十九日夜分夢一士友

風度甚高一見如宿昔出詩文數紙語皆簡淡

可愛讀未終而覺作長句記之 示子通 小

雨 舟中作二首 漁父二首 讀書示子通

秋夕二首 醉中錄近詩因題卷後 貧甚戲作

絕句八首 自傲二首 雨後極涼 醉題

秋感 鼠敗書 秋望 秋夕 出遊 病中

戲詠 書喜 春畊 秋思絕句六首 秋興

寓歎 北窗 閒思 秋光 秋夜思南鄭

軍中 湖上 讀王摩詰詩愛其散髮晚未簪

道書行尚把之句因用為韻賦古風十首亦皆

物外事也 夢行益昌道中有賦 自規 幽

興記前輩語 貧居即事六首 自詠 枕

上作 秋曉聞禽聲五韻 對酒二首 示鄰

里中重示 雨夜起行室中 閏月辛酉壬戌

連日風雨癸亥早晴 秋思二首 閒遊三首

對鏡書幽居書事二首 偶與客話峽中舊

遊 讀老子次前韻 作籬 寓歎 衡門感

舊 客中作 自讀書示子通 老懷 沉縣

遊近村二首 中小亭 記夢二首

雨 長中卦二首 燕父二首 讀書示子通

何愛齋未然而覺并長句 示子通 小

風窺其高一具成齋昔出持文嬖然齋皆簡齋

書二首 乙丑十月二十六日齊公襲一士文

五十五韻友人王仲舒同賦 尚書 東齋

賦雨 瓜林二首 山行 天玉寺 賦土人

卷第六十三 終

真府信錄目錄

劍南詩稿卷第六十二

宋陸游務觀

秋雨

老火阻餘威，賴此一雨洗。一雨豈遽涼，涼亦自此始。  
陂湖菱芡熟，小市新酒美。行歌多醉人，驩意溢閭里。  
懸知婁豐年，絲穀賤如水。呼兒具筆牘，作詩識吾喜。

江村

江村一雨喜，塵清隱隱雷。車意未平莽，蒼郊原來莫。  
色颼颼，林壑起秋聲。書希簡古終難近，詩慕雄渾苦。  
未成白首愈，悲知我少從今。一技不須名。

又

誤著儒冠不更論，白頭且喜臥江村。林深棲鳥逐更  
噪，壕近過舟終夜喧。病起日惟翻斷簡，愁來時亦倒  
清尊。自嫌未絕知聞處，尚有僧敲月下門。

山行

南出柴門即是山青鞵踏破白雲間旋償酒券何時足罷諾僧碑盡日閑三尺古琴餘爨迹一枝禪杖帶湘斑吾廬北望雲煙裏又伴紛紛宿鳥還

天王寺迪上人房五十年前友人王仲信同題名尚在

綠遶青圍古會稽城東河上古招提己公茅屋曾遊處渭北山人半醉題暫憩不妨停畫楫幽尋還得杖青藜舊人死盡惟殘屋竹密雲深步步迷

東窗偶書

東窗終日靜悄悄消盡平生幻妄心秋氣未催羣木脫老懷先感百蟲吟屏風疊邃思廬阜冠子峯高憶少林安得吾身且強健一藤隨處更幽尋

又

萬事何曾有速淹熊蹯魚腹自難兼山川置掌猶能取日月無膠可得黏稚子幸堪持几杖老生元自慣

齋鹽清晨臨鏡還三歎雪領今年無處添

乙丑七月二十九日夜分夢一士友風度甚高

一見如宿昔出詩文數紙語皆簡淡可愛讀未  
終而覺作長句記之

客中得友絕清真蓋未傾時意已親枕冷不知清夜  
夢眼明喜見老成人河傾斗落三傳漏霧散雲歸兩  
幻身心亦了然知是妄覺來未免一酸辛

示子通

翁老兒窮不自支此心幸與古人期勞兼薪水奴初  
去典到琴書事可知藥杵無聲工忍病米困可掃取  
言飢餘年有幾須相守萬里煙霄付異時

小雨

赤日炎熇勢未回川雲忽起亦佳哉鴨衝細雨橋陰  
出蝶弄微風草際來榉柳不禁朝莫久芙蓉猶有二  
三開一年光景煩君看何怪昆池有劫灰

舟中作



蘧蔭作帆三版船漁燈夜泊閩門邊煙波四萬八千  
頃造物推排作水仙

又

山蔬藥苗滿箸香超然下視太官羊更憑語與劉文  
叔豆鬻從來味最長

漁父

食簞雖薄尚羹藜且喜今朝酒價低一櫂每隨潮上  
下數家相望埭東西團團箬笠偏宜雨策策芒鞋不  
怕泥應笑漆園多事在本來無物更誰齊

又

數十年來一短蓑死期未到且婆娑敲門賒酒常酣  
醉舉網無魚亦浩歌片月又生紅蓼岸孤舟常占白  
鷗波人間各自生涯別文叔君房媿汝多

讀書示子適時子適方敗舉

我生無它營半世隨宦牒讒波方稽天憂與愁相接  
中間稍自覺萬事付馬曹告歸幸見聽泊與淡相遭

日晏突無煙垢面有爪痕讀書則未置可笑習氣存  
造物哀其窮畀之大耳兒兒亦好古學乃不售有司  
謂當爲瑟縮乃如鶴昂藏父子共薄飯忍飢講虞唐  
豐凶有常數樵蓑當自力古言不吾欺歲晚於汝食

秋夕

西山樵路隔重雲溪水微風起穀紋暑退忽驚秋漸  
晚夜長已與晝中分菰蔣入饌渾家喜砢砢催寒竝  
舍聞新作篝燈學僧樣與兒同策讀書勳

醉中錄近詩因題卷後

鵝兒色淺酒醺人雞距鋒圓筆絕倫滿引一盃書數  
紙要知林下有閑身  
貧甚戲作絕句

俸祿無餘退卽畊市人指笑太清生從今惜取青鞵  
底祇向雲邊水際行

又

處窮上策更誰如日晏猶眠爲腹虛飢則臥不起貧者之

常也尚闕鄰僧分供米敢煩地主送園蔬

又

貸米東村待不回鉢盂過午未曾開飢腸雷動尋常事但誤生臺兩鵲來

又

北齋孤坐破三更庭戶無人有月明數種袴襦秋未贖羨他鄰巷搗衣聲

又

竈突無煙甑有塵頽垣破屋越溪濱老鰥狂怪誰嗔責日日行歌獨賣薪

又

行徧天涯等斷蓬作詩博得一生窮可憐老境蕭蕭夢常在荒山破驛中

又

讀書但覺慚輪扁補吏非能去箭張白髮歸爲林下叟固應飢不饜糟糠

又

糴米歸遲午未炊家人竊閔乃翁飢不知弄筆東窗  
下正和淵明乞食詩

自做

出仕每辭榮歸休但力耕儉勤貧亦足戒懼禍終輕  
學自不欺始智由無事行書紳及銘座勉勉盡吾生

又

經術吾家事躬行更不疑仁常爲己任清每畏人知  
古訓必三復危途仍十思兢兢死方已寧論迫期頤

雨後極涼

金微未壯長火老尚餘燼可憐茅舍翁瞑目困藉躡  
蕭蕭得一雨天氣頗清潤豈惟爽襟靈亦足祛疾疢  
浮生日月駛老死纔一瞬聖賢邈不嗣利欲以身徇  
孰能痛澡雪此道庶少進閉門君但學妙理天豈吝

醉題

來往人間今幾時悠悠日月獨心知尋僧共理清宵

話掃壁閑尋往歲詩正馬秋風入條華孤舟莫雪釣  
湘漓只愁又踏關河路荆棘銅駝使我悲

秋感

畏塗歷盡百年中老臥窮閭一秃翁衣杵淒涼常帶  
月井桐零落不禁風空文久悔雕蟲技大學方施習  
射功佛書云如人習射久久方中萬一死前能少進九原  
猶可見先公

鼠敗書

雲歸雨亦止鷓起窗旣白秋宵未爲永不寐如歲隔  
平明亟下榻亦未暇冠幘檢校案上書狼藉鼠齧迹  
食簞與果籩攘取初不責侈然敢四出乃至暴方冊  
坐令漢篋亡不滅秦火厄向能畜一猫狡穴詎弗獲  
緘滕又蕩然追咎亦何益情偷當自戒鼠輩安足磔

秋望

千里郊原俯莽蒼三江煙水接微茫橫林蟲鏤無全  
葉新雁風驚有斷行神禹祠庭遺劍珮先秦金石古

文章一尊莫恨盤飧薄終勝登樓憶故鄉

秋夕

浴罷紗巾出草堂一枝瘦杖倚桃榔蟬吟古柳聲相  
續月入幽扉影正方頻約僧棋秋漸健稍增書課夜  
初長亦知桑落宜筍酒太息何時辦一觴

出遊

八月石帆秋聊爲汗漫遊本因尋友去却爲看山留  
小艸題僧壁長吟上驛樓月能從劇飲天可寄閑愁  
高下評泉品縱橫記酒籌花開遇門入水長信舩流  
骭髒人雖棄脂韋我自羞此心君不信試往問沙鷗

病中戲詠

八十行加二清秋住故山新涼足眠睡舊疾害躋攀  
雪白紛殘鬢梳黃染病顏疲牛臥斜日羸馬噉枯菅  
貧廢兒孫學慈生僕妾頑贖衣時已迫貸米歲方艱  
齋鉢僧嘲薄盤飧客笑慳從今謝還往惟有掩柴關

書喜

欹斜古屋枕江干，恩賜殘骸許挂冠。  
杵臼有聲聊足食，羊牛識路自歸闌。  
不求客恕陶潛醉，肯受人憐范叔寒。  
兒輩漸還家，暝熱預知燈火話團欒。  
子龍初自江西歸，子虞亦今冬當罷官矣。

春畊

去蜀歸吳會，真成萬里行。  
窮通竟安在，恩怨兩皆平。  
文字妨求道，盃觴害養生。  
餘年猶有幾，買犢事春畊。

秋思絕句

煙草茫茫楚澤秋，牧童吹笛喚歸牛。  
九衢不是風塵少，一點能來此地不。

又

榮悴元知豈有常，紛紛草木占年光。  
霜風一掃知何在，楚客從來枉斷腸。

又

一片雲生便作陰，東軒草樹共蕭森。  
秋風豈必關人事，自是衰翁感慨深。

又  
枳棘編籬晝掩門  
桑麻遮路不知村  
平生詩句傳天下  
白首還家自灌園

又

胸次本來容具區  
自私益益一何愚  
片帆忽逐秋風起  
聊試人間萬里途

又

黃蛺蝶輕停曲檻  
紅蜻蜓小過橫塘  
老人未肯殺風景  
睡起熏籠重炷香

秋興

節物喜更新  
清秋最可人  
徐行曳藤杖  
小立岸紗巾  
煙雨迷衰草  
汀洲老白蘋  
鶴巢時託宿  
猿果每分珍  
羽客期燒藥  
毛人約卜鄰  
蘭亭故不遠  
千載見清真

寓歎

五畝煙蕪過半生  
還山自笑又躬耕  
春炊不繼兒啼飯  
烹鉞無方客絮羹  
遊宦人間身愈困  
讀書燈下目



幾盲退之已老當更事猶向時人說善鳴

北窗

垂老乞骸骨飄然辭聖朝竹頭那足用桐尾不禁焦  
短褐縫練布晨飧采藥苗風霜征雁路燈火衲僧寮  
隴客詢安否狸奴伴寂寥北窗鳴落葉愁絕夜迢迢

閑思

睡美精神足心空忿欲輕讀書無定課飲酒不成醒  
日日東軒坐時時北渚行最奇烏桕下側帽聽秋鶯

秋光

小圃秋光潑眼來老人隱几興悠哉翩翩蝴蝶成雙  
過兩兩蜀葵相背開雨足疎籬引荒蔓人稀幽徑長  
新苔貧家竈冷炊煙晚待得鄰翁賣藥回

秋夜思南鄭軍中

五丈原頭刁斗聲秋風又到亞夫營昔如埋劍常思  
出今作閑雲不計程盛事何由觀北伐後人誰可繼  
西平眼昏不奈陳編得挑盡殘燈不肯明

湖上

飄然世外更何求終日橋邊弄釣舟  
回視老身猶長物縱無炊米莫閑愁  
煙生墟落垂垂晚雁下陂湖處  
處秋欲覓高人竟安在又聞長笛起滄洲  
湖中有隱士  
月夜必吹笛人莫有見者

讀王摩詰詩愛其散髮晚未簪道書行尚把之

句因用爲韻賦古風十首亦皆物外事也

我生本江湖歲月不可算采藥遊名山所歷頗蕭散  
一逢巢居翁見謂於我館酌泉啖松柏每得造膝款  
行道不自力殘髮日已短海山故不遠謫限何時滿

又

仕宦五十年所至不黔突取魚固捨熊挾兔那恨鶻  
退歸息厭厭誰敢書咄咄屋穿每茨草驢瘦可數骨  
秋風忽已厲落葉襯殘月脫巾坐中庭清冷入毛髮

又

我愛古竹枝每歌必三反孤舟上荆巫天末未覺遠

最奇扇子峽恨不遂高遯荆棘蜀故宫煙水楚廢苑  
至今清夜夢百丈困牽挽人生如寄爾勿歎流年晚

又

往歲著朝衫晨起事如稟告歸臥孤村枯淡有餘味  
閉門絕外慕自謂真富貴蕭然畢吾生地下亦增氣  
里翁戀兒女小疾輒憂畏惟窮可賒死我在君亦未

又

萬金築華堂千金教新音不知憂患場著腳日愈深  
今人喜議古後亦將議今使汝有子孫聞之亦何心  
鄧通擅銅山死日無一簪未死汝勿喜五溪多毒淫

又

往者遊青城猶及二三老稽首出世師數語窮至道  
妻子真弊屣棄去恨不早俯仰纔幾時殘骸日衰槁  
吾兒有奇骨亦復至幽討金丹儻可成白髮何足掃

又

稚川師鄭君纔及一卷書書大僅如箸度世蓋有餘

想其所論說妙極軒昊初內篇今雖存亦復飽蠹魚  
我欲探其原蹇步空趨趨安得插兩翅從公遊太虛

又

隱書有二景字字當力行寸地與尺宅可以久汝生  
沂流歸崑虛堅守臨長城一旦告成功河塞黃金成  
笙鶴適緱山貂蟬朝玉京卽今修行地千古名還嬰  
予道室以還嬰名之

又

行年過八十形悴神則旺往來江湖間垂老猶疎放  
滄波浩無津天遣遂微尚剡溪挂風帆漁浦理煙榜  
奇雲出深谷新月生疊嶂興懷晉諸賢誰能續遺唱

又

二十遊名場最號才智下蹭蹬六十年亦有茆一把  
典衣租黃犢乘雨畊綠野西成得一飽敢計泥沒踝  
住久鄰好深百事通乞假秋高小瓮香相喚注老瓦  
夢行益昌道中有賦

朱棧青林小益西早行遙聽隔村雞龍門閣畔千尋  
壁江月亭前十里堤酒舍胡姬歌折柳江津洮馬惜  
障泥倦遊重到曾來處自拂流塵覓舊題

自規

忿慾俱生一念中聖賢本亦與人同此心少忍便無  
事吾道力行方有功碎首寧聞怨飄瓦關弓固不慕  
冥鴻老翁已落江湖久分付餘年一短篷

幽興

蘭渚前頭湖水清了無俗事敗幽情雨淋茅屋隨時  
補日射油窗特地明庭樹晚鶯窺戶語鄰園秋筍過  
籬生芥菘漸美鹽醢足誰共貧家一釜羹

記前輩語

疇昔見諸老從容聞至言馬非求路寢木豈願犧尊  
臥起數椽屋嘯歌三畝園人生正應爾雲夢不須吞

貧居卽事

筮易常逢坎推星但值箕老雖齊涓叟窮不減湘纍

巷月鳴衣杵庖煙爨豆萁秋深病良已且復強伸眉  
又

地偏人罕到秋晚日猶長病去筇枝贅家貧菜粥香  
流泉通藥壠積雨潤書囊欲譜幽居事疎慵久未遑

又

月黑梟鳴樹燈殘鼠穴牆床空圍紙被室靜蕪楓香  
不恨言傷直惟憂慾敗剛回頭顧名利百世永相忘  
又

米竭炊煙靜村深客屨稀庭除荒宿莽籬落帶斜暉  
風惡披書卷鷗馴傍釣磯鄰家殊耐久相伴荷鋤歸  
又

意緒喪家狗形骸槁木枝曲肱雖自適縱理固當飢  
買絮初寒後畦蔬小雨時窮途何用卜吾道卽著龜  
又

守道常違俗存心不愧天終年飢過半動步謗居前  
力倦少行立氣昏多睡眠今宵風月好扶杖到溪邊

自詠

素慕巢居穴處民久爲釣月臥雲身  
經行山市求靈藥物色旗亭訪異人  
高枕靜聽棋剝啄幽窗閑對石  
嶙峋吾廬已是桃源境不爲秦人更問津

枕上作

一室幽幽夢不成高城傳漏過三更  
孤燈無焰穴鼠出枯葉有聲鄰犬行  
壯日自期如孟博殘年但欲慕初平  
不然短楫棄家去萬頃松江看月明

秋曉聞禽聲五韻

秋曉風露佳天宇曠以清鳥雀當此時  
意樂有和聲人獨不自喜乃欲鳴不平  
世事雖萬端但可笑絕纓君看郊與島  
徒自殘其生

對酒

素月度銀漢紅螺斟玉醪染丹梨半頰  
斫雪蟹雙螯詩就吟逾苦盃殘興尚豪  
閑愁翦不斷剩欲借并刀

又

密篠持苫屋寒蘆用織簾  
螽肩柴熟罨東坡煮豬肉訣  
云淨洗鍋少著水柴頭罨煙炤不起  
蓴菜鼓初添黃甲如盤  
大紅丁似蜜甜街頭桑葉落相喚指青帘

示鄰里

古學陵夷失本原讀書萬卷誤元元  
從今相勉躬行處士庶人章數十言

重示

篤學仁何遠窮居道亦行能充氣剛大誰蔽性光明  
家世艱難業鄉閭宿昔情歲殘相勞苦惟是語春畊  
雨夜起行室中

老疾逢秋體自輕披衣暫起繞床行  
隙風不斷燈將滅簷雨如傾階欲平  
鰥叟何嘗愁枕冷病夫未免待  
窗明拂書洗硯龜堂上幽事誰知日有程  
閏月辛酉壬戌連日風雨癸亥早晴

殘雨在簷猶點滴斷雲銜日正蒼涼  
清愁偏向暮年覺少睡不禁秋夜長  
簾影漸生禽語樂杵聲初動藥



塵香諸兒作吏俱安否那得乘風至汝傍  
予諸子伯叔季皆出仕

秋思

少日猖狂不自謀卽今垂死更何求  
簡編不隔聖賢面  
夢寐時爲河嶽遊  
濁酒未傾心已醉  
長歌欲發涕先流  
石帆射的煙嵐晚  
過雁聲中又一秋

又

十日秋陰滿徑苔  
蓬門那有客敲推  
水邊丹葉已如許  
籬下黃花猶未開  
空見遊僧衡嶽去  
難逢新雁杜陵來  
溪雲一片閑舒卷  
戀著漁磯不肯回

閑遊

江邊小市舊經過  
歲月真如東逝波  
茶竈酒壚多識面  
少留賣藥買漁蓑

又

溪橋偶與僧遊話  
草市來尋逆旅炊  
自笑一生爲客慣  
捉驢小豎訴朝飢

又  
袂除情累煙波上放蕩胸懷詩酒中禹會橋邊潮落  
處夕陽幾度繫孤篷

對鏡

面大如盤七尺身珥貂自合上麒麟詩家事業君休  
問不獨窮人亦瘦人

幽居書事

老人初起厭囂喧塵几從教鼠迹存赤腳平頭俱遣  
去倚牆危坐嚙朝曦

又

買魚賒酒皆高興野店溪橋圖畫中從此衰翁自行  
耳不須多事喚蠻童

偶與客話峽中舊遊

我昔旅遊秋雨細建平城東門欲閉主人迎勞語蟬  
聯小婦春炊縞衣袂長年三老半醉醒蜀估峽商工  
算計須臾燈闇人欲眠泊舫卸馱猶相繼山深水嶮

近蠻獠往往居民雜椎髻卽今屈指四十年懷抱淒涼真隔世

讀老子次前韻

平生好大忽瑣細焚香讀書戶常閉少年曾預老聃役晚歲欲挹浮丘袂力探玄門窮衆妙肯學陰謀畫奇計言狂不獨人共排志大仍憂後難繼君看淡掃出繭眉豈比一尺春風髻箸書勿恤飽蠹魚會有子雲生後世

作籬

生世八十餘日夜迫衰老中年所築舍傾壞嘗官道每逢風雨夕性命凜莫保況此蘆竹藩何恃不摧倒今朝手自葺不暇避塗潦雞豚有限隔門巷得鋤掃豈惟禦盜竊亦足慰懷抱陰雲忽四垂見事幸差早

寓歎

老生讀書百絕編日晏忘食夜廢眠孝經一生行不盡況有六籍陳吾前華軒玉食非素願廣廈高墉實

郵傳經營歸計笑時人我老但須書數卷

衡門感舊

蒼煙屯不散正素橫郊原雨細不溼衣著水始見痕  
躑躅意自佳未遽掩衡門一一送歸鴉楓林猶未昏  
念昔壽州歸紹興初紀元闔門過百口一身今獨存  
不死實有命送老三家村躬畊幸得食萬事不足論

客中作

江天雨霽秋光老野氣川雲淨如掃投空飛鳥雜落  
葉極目斜陽襯衰草平沙爭渡人鷓立長亭下馬障  
泥溼纍纍紅果絡青篾未霜先摘猶酸澀客中雖云  
貪路程買薪糴米常留行茆檐獨坐待僮僕不聞人  
聲聞碓聲

讀書示子通

我性苦愛書未始去几案生雖後三代意尚卑兩漢  
世衰道術裂年往朋友散澤居貧至骨霜冷衣露肝  
猶能樂其樂肯發窮苦歎爾來更可笑身糴兒炊爨

一飽輒欣然，弦誦等雖泮。望古雖天淵，視俗亦冰炭。  
阿適可憐生，相守忘忘夜。日孤學當世，傳歲月不可翫。

### 老懷

老懷常易感，秋雨苦難晴。羈枕悲歡夢，高城長短更。  
榮枯一蠹垤，成壞幾棋枰。抱疾茅檐下，行人肯寄聲。  
昨日得李孟達書

### 沉絲

沉絲久未平，寂莫閉柴荆。危葉先霜墜，殘螢冒雨明。  
記書由默誦，得食出躬耕。此事吾親驗，方當告後生。

### 遊近村

行歷茶岡到藥園，却從釣瀨入樵村。半衰半健意蕭  
散，不雨不晴天晏溫。薯蕷傍籬寒引蔓，菖蒲絡石瘦  
生根。參差燈火茆檐晚，童稚相呼正候門。

### 又

被髮行歌雪滿膺，夕陽顧影亂鬢鬢。乞漿得酒人情  
好，賣劍買牛農事興。社鼓賽秋聞坎坎，塔燈照夜望

層層歸來閑指烏藤說箇是人間耐久朋

小亭

除地編茅作小亭一川風露對青冥殘螢欲盡猶穿  
戶落葉初飛已滿庭櫟老無心求匠石鬼靈有說拒  
奴星餘年默數能多少盡付黃庭兩卷經

記夢

少日飛揚翰墨場憶會上疏動高皇寧知老作功名  
夢十萬全裝入晉陽

又

老來百事不關身北陌東阡一幅巾忽夢行軍太行  
路不惟無想亦無因

似不辨無味衣無因

送來百華不關良壯前東刊一翻中於夢許軍大

又

夢十萬全紫入晉別

少日既勝請墨影射會士疏健高生學秋去并仇

信夢

吹星翰中燭燻清影少空竹黃兩卷強

送燕梁隊派已散黃碧字無少未刊不虞誤才情

別傲謝笑并小亭一川風飄淡青更然益於盡前長

# 劍南詩稿卷第六十二終

劍南詩稿目錄

卷第六十四

養疾 客從城中來 莫秋中夜起坐次前韻

閒遊 自規 自笑 泛舟至鏡湖旁小市

懷舊 道院述懷二首 秋雨二首 聽雨

畏事 刈穫後書事二首 秋夜五鼓初起

坐堂上至旦 習懶自咎 雨夜枕上作 晚

飯後步至門外竝溪而歸 文章 枕上口占

乙丑九月三日晚久雨驟晴西南新月如玉

鈎重陽以八月置閏菊花粲然滿園喜甚作一

絕記之 寓歎 村興 夜聞埭東賣酒鼓聲

譁甚 燈下晚飧示子通 秋晚書懷二首

初寒 黃昏小雨中 躑躅蒼頭在傍云初未嘗

得瞑予乃甚適若熟寐者作五字記之 乾道

之初卜居三山今四十年八十有一感事抒懷

視東臯歸小酌二首 梅市道中二首 古



寺 夢中作二首 舟行魯墟梅市之間偶賦

衰疾 憶昔 雨後寒甚 入冬病體差健

而貧彌甚戲作 蜀漢 新開小室 初冬絕

句二首 卽事六首 閒吟 自遣 記乙丑

十月一日夜夢二首 縱遊 村居書事六首

湖堤莫歸 題搨本姜楚公鷹二首 書巢

五詠 感遇六首 幽興 題詹仲信所藏米

元暉雲山小幅二首 詹仲信以山水二軸為

壽固辭不可乃各作一絕句謝之二首 有所

懷 自嘲老態 十月十四夜夢與客分題得

早行 紹興中予初仕為寧德主簿與同官飲

酒食蠟房甚樂後五十年有餉此味者感歎有

賦酒海者大勸盃容一升當時所尚也 病中

雨夜 讀呂舍人詩追次其韻五首 菴中晚

思 枕上 冬夜 雜興二首

劍南詩稿卷第六十四

宋陸游務觀

養疾

齒耄嬰新疾才衰減舊名短筇扶蹇步小院愜幽情  
卜叟言災退醫翁賀脈平飯香炊穉糞美醅蕪菁  
菊穎寒猶小楓林曉漸頰清詩披客贄佳著指僧枰  
家塾燈前課村陂雨外畊從今尚何事賴此遣浮生

客從城中來

客從城中來相視慘不悅引盃撫長劍慨歎胡未滅  
我亦爲悲憤共論到明發向來酣鬪時人情願少歇  
及今數十秋復謂須歲月諸將爾何心安坐望旄節  
莫秋中夜起坐次前韻

東吳秋令遲得雨亦良悅中庭有流螢烈風吹不滅  
披衣起坐久鼓角參差發西成雖作勞農事亦漸歇

老怯歲律殘，俛仰忽九月。蟋蟀鳴壁間，媿汝知時節。

閑遊

白石床平偶小留，青芒屨穩復閑遊。微丹點破一林綠，淡墨寫成千嶂秋。竹院頻分齋鉢飯，苔磯時把釣魚鈎。要知此老神通否，二十年來不識愁。

自規

老疾今俱至，艱難亦備更。箇中無障蔽，何處欠光明。一日能用力，三年亦有成。脩身在我爾，勉勉盡餘生。

所謂二年有成者，豈獨為國哉。

自笑

學道功賒歲月馳，平居自笑著鞭遲。安心未竟夜饒夢，與世雖疎秋尚悲。藥圃幽尋芒屨溼，棋枰憨戰角巾欹。只愁今夕西窗夢，又買長筒到古郵。

泛舟至鏡湖旁小市

久著朝衫負此湖，扁舟剩喜補東隅。市樓合樂醅新熟，寺壁殘詩字欲無。常日不堪愁宛轉，此行猶得笑

須臾夕陽鷗鷺皆相識更覺人間是畏塗

懷舊

身是人間一斷蓬半生南北任秋風琴書昔作天涯  
客蓑笠今成澤畔翁夢破江亭山驛外詩成燈影雨  
聲中不須強覓前人比道似香山實不同

道院述懷

學道已非生死流極知心外更何求理窮性盡命亦  
至氣佳神全形自留大藥一爐真度世孤桐三尺可  
忘憂故人怪我歸來晚太華峯頭又素秋

又

八十年前一炷香依然餘習未全忘舊緣入靜多局  
戶近爲精思別置床篝火古鐺煎檜蜜汲泉小瓮釀  
松肪老翁正似遼天鶴更覺人間歲月長

秋雨

雨滴何由止人眠不復成雲深無雁影村近有砧聲  
草草殘年夢寥寥後世名太山并蠟埤俱向酒中平

又

秋晚兼旬雨雨晴當有霜頗思遊近縣亦已戒輕裝  
珍羞披縣美寒醅撥雪香菊花常歲有所喜及重陽

聽雨

髮已成絲齒半搖燈殘香燼夜迢迢天河不洗胸中  
恨却賴檐頭雨滴消

畏事

畏事偷安百不能飯蔬聊得曲吾肱舊交夢裏時時  
見宿疾秋來日日增遣悶自鉏幽圃藥扶衰猶賴故  
溪藤不因顧見鬢髻影全是深山退院僧

刈穫後書事

鄰里西成例少蘇貧家生業得徐圖雖非五鼎豈無  
食未辦複禪猶著襦牢彘漸肥堪奉祭耕牛已買不  
求租却思流落天涯日要是家居勝道途

又

毫歲誰知困不蘇每虞黠鬼笑狂圖陶公老去但濁

酒管老歸來惟白襦不逐兒童覓兼味且隨鄰曲了  
殘租細思自有欣然處高謝人間九折途

秋夜五鼓初起坐堂上至旦

蒸鬱不可過開門星滿天身還倚藤杖手自酌巖泉  
雞唱猶相續鴟飛忽已翻事隨朝日出佳思復茫然  
習懶自咎

習懶多遺事時能害睡眠獯驕殘竹筍鼠橫齧床甕  
獨子巡籬落狸奴護簡編人間有俊物求買敢論錢  
雨夜枕上作

雨點滴我心雨氣傷我魂但憂草廬破敢思布被溫  
市壚酒如山不溼老瓦盆天其遂吾心窮死二家村  
晚飯後步至門外竝溪而歸

徐行摩腹出荆扉掠面風尖酒力微市步空舩迎菽  
去湖隄輕擔賣魚歸潺潺沙竇鳴殘水莽莽平蕪襯  
落暉商略最關詩思處滿村砧杵搗秋衣

文章

文章如奕棋分量固有極學不盡其才識者爲太息  
古來名世士亦或墮此域至今讀其文曷嘗不追惜  
士生千載後夙慕當自力如其不能然歸哉事畊織  
枕上口占

白首區區道未明故山海不蚤歸畊勇如搏虎但堪  
笑學似累棋那易成殘雨墮簷時一滴老雞棲樹已  
三鳴村居孤寂知何憾兩耳猶勝聽市聲

乙丑九月三日晚久雨驟晴西南新月如玉鉤

重陽以八月置閏菊花粲然滿園喜甚作一絕  
記之

初三新月見如期重九黃花又及時俱是人間稱心  
事典衣一醉更何疑

寓歎

蕭疎殘髮數莖絲勝負渾如未算棋萬里旌旗無昨  
夢一蓑煙雨有新詩潛消暗換人誰在小醉閑眠我  
自奇二十四年能幾許汾陽回首亦成癡

村興

結宇楓林下久窮吾所安村深事自簡累少食差寬  
雨闇牛眠屋泥深鴨滿闌呼兒擣粉餌準擬賽鄱官  
夜聞埭東賣酒鼓聲譁甚

烏柏森疎照溪赤寒鴉翩翻蔽天黑鮮鱸出網重兼  
斤新蟹登盤大盈尺年年此際清霜夜飯罷讀書聲  
滿舍豈惟父子講家學亦有朋儕結經社誰令屠沽  
聚里中鼓聲終夜聒老翁嗚呼安得寐無聰不但杜  
老左耳聾

燈下晚飧示子通

家貧短衣不掩胷空庖淒淒竈不爨老翁八十忍飢  
熟兀坐空堂日常盱今年閏餘九月寒那敢遽議南  
山炭艱難幸復致一飧鋪歡燈前百憂散通子挾冊  
于于來時與乃翁相論難但令歆向竟同歸門前籍  
湜何憂畔

秋晚書懷



七澤三巴日月長卽今萬事付茫茫結廬窮僻新知  
少屬疾沉緜舊學荒中夜飯牛初上阪千年化鶴復  
還鄉自憐尚覺身爲累剩蓄荆薪待雪霜

又

頽然兀兀復騰騰萬事惟除死未曾無奈喜歡閑弄  
水不勝頑健遠尋僧喚舩野岸橫斜渡問路雲山曲  
折登却笑吾兒多事在夜分未滅讀書燈

初寒

久雨重陽後清寒小雪前拾薪椎髻僕賣菜掘頭船  
薄米全家粥空牀故物氈身猶付一畝名字更須傳

掘頭舩見張志和詩

黃昏小雨中躑躅蒼頭在傍云初未嘗得瞑予

乃甚適若熟寐者作五字記之

人看初無寐形勞幸少休夢魂雖栩栩鼻息未齟齬  
輕若風中絮浮如水上漚死生君了否試向此中求  
乾道之初卜居三山今四十年八十有一感事

抒懷

乾道之初結草廬三朝六見紀元初年光拋擲雖加倍生計蕭條愈不如目暗欲盲停夜課髮殘無幾怯晨梳市聲風便猶關耳未死終當更徙居

視東臯歸小酌

築陂下麥晚歸來圍火烘衣始此回但得諸孫傳素業真無一事挂靈臺井桐葉落垂垂盡籬菊花殘續續開不負初寒蟹螯手床頭小瓮撥新醅

又

少年誤計慕浮名更事方知外物輕身誓生生辭祿食家當世世守農畊授時堯典先精讀陳業豳詩更力行最好水村風雪夜地爐煙暝歲豬鳴

梅市道中

去去浮官浦悠悠數客檣蓼花低蘸水楓樹老經霜蕭鼓迎神鬧鉏耰下麥忙城西小市散歸艇滿斜陽

兩部又

雨暗山陂路人喧古渡頭廟垣新畫馬村笛遠呼牛  
買飯諳爭席迎潮競解舟平生苦吟處又送一年秋

古寺

秋草荒無路來遊感廢興殘僧僅粥飯古像冷香燈  
扶病驚重到題名記昔曾自量難笑汝一歎倚枯藤

夢中作

繫馬朱橋上酒樓樓前敷水拍堤流春風又作無情  
計滿路楊花鞦韆雪球

又

大慶橋頭春雨晴行人馬上聽鶯聲祥符西祀曾迎  
駕惆悵無人說太平

舟行魯墟梅市之間偶賦

短髮蕭蕭久挂冠江湖到處著身寬蓼花不逐蘋花  
老桐葉常先榭葉殘未卜柴荆臨峭絕且謀蓑笠釣  
荒寒閑人尚媿沙鷗在始信煙波得意難

衰疾

衰疾支離負聖時猶能采菊傍東籬捉衿見肘貧無  
敵聳膊成山瘦可知百歲光陰半歸酒一生事業略  
存詩不妨舉世無同志會有方來可與期

憶昔

偶見張安國周子充劉韶美王景文陳德召任元受遺

集爲之感愴作長句紆悲不知涕泗之集也

憶昔高皇絀柄臣招徠賢雋聚朝紳寧知遺恨忽千  
載追數同時無一人薶骨九原應已朽殘書數帙尚  
如新此身露電那堪說也復燈前默愴神

雨後寒甚

陂澤連山脚風煙接海濱孤鴻悲遠客殘菊伴陳人  
酒盡瓶枵腹爐寒客曲身老翁殊耐事一笑自回春  
入冬病體差健而貧彌甚戲作

乞骸自喜脫風塵北陌東阡負未身夢裏相逢無豎  
子面間時出有真人閑憑曲几還終日不出衡門動  
過旬送老齋鹽君勿笑天教成就一生貧

蜀漢

一珍做宋版  
憶昔遨遊蜀漢間，駸駸五十尚朱顏。  
呼鷹雪閣天回路，采藥雲迷御愛山。  
舊事已無人共說，征途猶與夢相關。  
夕陽不覺憑闌久，待得林鴉接翅還。

新開小室

竝檐開小室，僅可容一几。  
東爲讀書窗，初日滿窗紙。  
衰眸頓清澈，不畏字如蠅。  
琅然絃誦聲，和答有稚子。  
餘年猶幾何，此事殊可喜。  
山童報炊熟，束卷可以起。  
初冬絕句

鱸肥菰脆調羹美，麪熟油新作餅香。  
自古達人輕富貴，例緣鄉味憶還鄉。

又

道途冬暝衣裘省，村落年豐鼓吹喧。  
下麥種麪無曠土，壓桑接果有新園。

卽事

雲起山容改，潮生浦面寬。  
寒鷗先雁到，烏柏後楓丹。  
年邁狐裘帽，時新豆搗糲。  
非關嗜溫飽，更事耐悲歡。

又

遯居無外事白日不勝長詩爲窮差進琴雖老未忘  
映窗精試墨閉閣苦留香年少無相諂功名事更狂  
又

日上小窗東禽鳴高樹中樂哉容膝地著此曲肱翁  
香非常遲散兒來亦旋通所慚貪坐睡鉛槧少新功  
又

紙潔晴窗暝粳新午飯香嗜眠爲至樂省事是奇方  
孤蝶弄秋色亂鴉啼夕陽詩情隨處有信筆自成章  
又

井稅無餘負川原已飽犁樵歌歸市步帆影過河堤  
野實丹兼漆村醪蜜與齋雖云有豐約不廢醉如泥  
又

還鄉吳語熟伏枕越吟悲接客寒溫簡過鄰几杖隨  
獨嗟親舊少不覺歲時移陌上人爭看風欹白接羅  
閑吟

閑吟可是治愁藥一展吳牋萬事忘不惜莫年訓倡  
絕猶能作意答秋光

自遣

衣冠尚作閑身崇梁肉終非退士宜惟有褐裘并豆  
飯尚能相伴到期頤

記乙丑十月一日夜夢

夢裏江淮道上行解裝掃榻喜新晴店門邂逅締袍  
客共把茶甌說養生

又

旋糴街頭米數升黃昏看上店身燈明朝山路聞鏡  
石買得烏騾喜不勝

縱遊

人事元知不可諧名山踏破幾青鞵百錢拄杖無時  
醉一錘隨身到處埋驛壁讀詩摩病眼僧窗看竹散  
幽懷亦知詩料無窮盡燈火蕭疎過縣街

村居書事

過門車馬誰曾入塞路蓬蒿不復鋤雨漏日惟支敗  
屋鼠餘時自緝殘書

又

矮餅煮粥猶難繼小甑蒸餠豈解常偶得鹽醯便豪  
侈晨殮滿舍野蔬香

又

架橋築路村翁事裂網伸鉤老嫗心自笑年來足衰  
態軒昂故步懶重尋

又

書收鼠齧猶堪讀柿拾鴉殘亦自甜動念不如姑省  
事智謀老健恐難兼

又

修身世世詩書業營利明明市井人安得後生俱自  
好百年門戶本來貧

又

文辭苦思徒妨睡官職虛名不療飢垂老始知安樂



法紙鳶竹馬伴兒嬉

湖堤莫歸

出郭竝湖無十里我歸蟹舍過魚梁川雲蒼白不成  
雨汀樹青紅初著霜俗孝家家供菽水農勤處處築  
陂塘樂哉追逐鄉三老半醉行歌詠歲穰

題搨本姜楚公鷹

憶昔呼鷹塞草枯妖狐狡兔笑談無明窗見畫空三  
歎恍若霜郊遇獵徒

又

弓面霜寒斗力增坐思鐵馬蹴河冰海東俊鷗何由  
得空看緜州舊畫鷹

書巢五詠

銅之在人間細大各有境散爲五銖貨聚作九牧鼎  
天祿與辟邪乃復參泓穎致用孰相須寒泉出金井

右硯滴

古者貝爲貨庶物賴以通後世貴銅臭退處書几中

楮生借光輝文字傳亡窮言利古所羞孰謂汝不逢  
右研蠹

時來偶見收過時自當退豈惟裁紙尾亦或用牘背  
人情有貴賤志士感興廢庫中九萬張視我猶前輩  
右故紙

鸞膠擣松煙成此金石姿雖以剛故折挺特終不移  
微功在簡冊敢惜身蹈危雖非破硯文永世亦有辭  
右折墨

銅壺受五升中貯太古醇相從亦已久一朝委流塵  
我豈少恩哉白頭乃如新誰知矮道士亦作斥仙人  
右空酒壺

感遇

仕宦五十年終不慕熱官年齡過八十久已辦一棺  
結廬十餘間著身如海寬此外皆長物簡去心始安  
稱意多怒噴易可出艱難我無狐白裘短褐亦禦寒  
又

士方貧賤時藜藿若不足一朝得富貴奴僕饜梁肉  
大戴食亞夫空器餽荀彧何如茹檐下父子共饘粥  
我生有至願世世謝寸祿有子復有孫無榮亦無辱

又

人之所甚患飢渴與寒暑粗免則已矣過計安用許  
自奉非其分三彭將嫉汝寓形天壤間大抵皆逆旅  
但能飽菜根何地不可處堂堂七尺軀切勿效兒女

又

我以善勉汝汝謂出訾毀置之不復言意又不能已  
爲善如築臺成功由積纍中休猶不可況本無基址  
未言破萬卷日且讀十紙學雖在力行要是從此始

又

我初居三山同里數十人尊酒相勞苦言辭亦諄諄  
去來四十年皆成塚中塵子孫雖或存敗屋賣作薪  
此亦何罪哉不過坐一貧我幸未至此亦復拙謀身  
無飯可哺汝觸目成悲辛

人與人爲徒事我蓋有緣司晨與警夜異類亦可憐  
舐糠啄遺粒要使全其天人則當教誨見善或能遷  
盛怒姑小忍雖蒲豈非鞭事過我亦喜陶然送流年

幽興

老向浮生意漸闌飄然俟死水雲間龜支牀穩新寒  
夜鶴附書歸舊隱山無意詩方近平淡絕交夢亦覺  
清閑一端更出淵明上寂寂柴門本不關

題詹仲信所藏米元暉雲山小幅  
俗韻凡情一點無開元以上立規模鏡湖老監空揮  
淚想見楚江清曉圖徽宗見元暉楚江清曉圖大加賞歎

一棹朝南莫北風奇峯倒影綠波中定知漸近三山  
路認得漁翁是放翁

毛書詹仲信以山水二軸爲壽固辭不可乃各作一  
絕句謝之

策蹇渡橋春雨餘亂山缺處草亭孤不知何許丹青  
手畫我當年入蜀圖

右春山

雪崦梅村一徑斜  
茆檐煙火兩三家  
眼明見此幽栖地  
却恨吾廬已太奢

右雪山

有所懷

鏡裏形模日夜衰  
三峯師友久睽離  
芝房又失耘鋤候  
丹劑常思沐浴時  
雷雨未成龍起晚  
海天無際鶴歸遲  
午窗一鉢青精飯  
揀得香薪手自炊

自嘲老態

世念秋毫盡渾如  
學語兒得床眠易  
熟有飯食無時  
紗帽簪花舞盆池  
弄水嬉從今轉無  
事靜坐不吟詩  
十月十四夜夢與  
客分題得早行

蓐食寒燈下  
脂車小市傍  
驛門猶淡月  
街樹正清霜  
觸目關河異  
興懷道路長  
丈夫當自力  
雙鬢易蒼蒼

紹興中予初仕爲寧德主簿與同官飲酒食蠟  
房甚樂後五十年有餉此味者感歎有賦酒海  
者大勸盃容一升當時所尚也

昔仕閩江日民淳簿領閑同寮飛酒海小吏擘蠔山  
夢境悠然逝羸軀獨爾頑所嗟晨鏡裏非復舊朱顏  
病中兩夜

蹭蹬今如此沉緜不復支心隨形共賴年與智俱衰  
雨急孤燈暗雲深斷雁悲舊書空滿架惆悵負明時

讀呂舍人詩追次其韻

士生始從學取友實先務吾聞諸古人傾蓋有如故  
漢宮長生藥至取雲表露治身當何如而受一塵汚  
又

有過當相規有善當相告豈惟定新交亦以篤舊好  
勢利古所羞置之勿復道霜竇萬木凋孰秉歲寒操  
又

少壯如昨日忽已及耄期舊友散莫收亦復少新知

言歸鏡湖上日日醉東籬自笑如寒蝶裴回殘菊枝  
東籬予小圃名

又

道士成金丹青雲可接翼小夫豈知此危坐學數息  
如持一畚土自謂河可塞生不遇碩師幾何不自賊

又

三沐復三熏佩玉懷明珠何至不自珍欲效豕負塗  
傳呼雖甚寵正可誇羣奴君看魏徵孫世世爲農夫

庵中晚思

小庵摩腹獨彷徨俗事紛紛有底忙雲影忽生鷓鴣蔽  
日雨聲不斷葉飛霜經綸正復慚伊傅雜駁猶能陋  
漢唐卷盡殘書窗已晚笑呼童子換爐香

枕上

熒熒地爐火煑藥土床前高帝老朝士長安舊少年  
松高露時滴城遠鼓猶傳拋擲百年事且安殘夜眠

冬夜

杞菊家風有自來充飢藜糝不盈盃雲迷野渡一聲  
雁雪暗山村千樹梅宴坐何妨面菴壁長吟且復畫  
爐灰歲殘尚恨新春遠欲挽天邊斗柄回

雜興

陋巷無心長草萊柴門偶自不曾開餘齡漸迫諸孫  
長徂歲將窮積雪來日欲燎衣無宿燼莫思頰頰但  
空壘孰知自有忘憂處遶坐新書正作堆

又

此身漂蕩等流槎又向江村送歲華急雨遇寒凝作  
雪明燈無炮結成花座懸鏡古森毛髮甌聚茶香爽  
齒牙況是貧家多樂事阿開漸學手吒叉



讀長篇長句不為樂事所開便學手抄又

雲際微無辨語是此也

補得幾幾若亦對又南也情邊

又

空翠自白首亦未幾

其出處淋漓

國其無心法

梅與

劍南詩稿卷第六十四終

劍南詩稿目錄

卷第六十五

稽山行 贈論命周雲秀才 自嘲 自寬

唐虞 幽事絕句六首 寄題廬陵王晉輔先

輩桂堂 寄題王晉輔專春堂 鼠屢敗吾書

偶得狸奴捕殺無虛日羣鼠幾空為賦此詩

讀唐書忠義傳 病後作 山中 夜思 晨

起 老態二首 枕上 贈過門道人 道院

雜興四首 山村經行因施藥五首 歎老

即事二首 自賀 天氣作雪戲作 家風

十二月二日夜夢遊沈氏園亭二首 江干

獨行過柳橋而歸 戲遣老懷五首 對鏡

晨起 吾年過八十二首 述志二首 排悶

舟中作 丙寅元日 新晴 新歲 簡刑

德允 簡蘇邵叟 東村 新曆歎 雪中二

首 早春出遊二首 東籬三首 村市醉歸

村夜 旅思 對酒作 遊東村 晨起

夢中作 春雨四首 村店 久雨薪炭食飲

俱不繼戲作 溪上 謝君寄一犁春雨圖求

詩為作絕句二首 十二月一日夜夢 新晴二

首 望永思陵 燈下小酌 春遊二首 春

日雜賦五首 悲歌行 梅市莫歸三山 龜

堂偶題二首 泛湖

...

...

...

...

...

...

...

...

...

...

劍南詩稿卷第六十五

宋陸游務觀

稽山行

稽山何巍巍浙江水湯湯千里巨大野勾踐之所荒  
春雨桑柘綠秋風秔稻香村村作蟹椀處處起魚梁  
陂放萬頭鴨園覆千畦薑春碓聲如雷私債逾官倉  
禹廟爭奉牲蘭亭共流觴空巷看競渡倒社觀戲場  
項里楊梅熟采摘日夜忙翠籃滿山路不數荔枝筐  
星馳入侯家那惜黃金償湘湖蓴菜出賣者環三鄉  
何以共烹煮鱸魚二尺長芳鮮初上市羊酪何足當  
鏡湖瀦衆水自漢無旱蝗重樓與曲檻湫澗浮湖光  
舟行以當車小繖遮新粧淺坊小陌間深夜理絲簧  
我老述此詩妄繼古樂章恨無季札聽大國風泱泱  
贈論命周雲秀才

周郎頎然市中隱精神卓犖秋天隼忽來過我論五行袖出詩卷如束筍人生一息不自保況我耄期真待盡君今盛爲談未來我亦聽之俱可鞭雖然此心猶未泯何至死去同蠢蠢地下不作修文郎天上亦爲京兆尹

自嘲

受福元無一羽輕豈如造物假餘生抱病不死躋高壽遇亂能全見太平投渚斷鴻常自閔營巢倦鶻固難成乘除亦有堪慚處記誦文辭誤得名

自寬

兀兀空齋靜掩扉篝爐香細著秋衣簷頭殘雨晴猶滴欄角羈雲晚未歸支枕口和心共語挑燈形與影相依卷書未覺唐虞遠知我何妨舉世稀

唐虞

唐虞雖遠愈巍巍孔氏如天孰得違大道豈容私學裂專門常怪世儒非少林尚忌隨人轉老氏亦尊知

我稀能盡此心方有得勿持糟粕議精微  
幽事絕句

死生歸有命榮悴出無心苔井閑磨劍松窗自斲琴

又

矮紙來吳下長毫出宛陵自書霜夜句持寄剡中僧

又

昨夕風掀屋今朝雨壞牆雖知炊米盡不廢野歌長

又

煙畦朝斲藥雪澗夜淘丹仄徑何曾嶮單袍不覺寒

又

新傳服氣訣舊喜步虛吟兒女不難棄雲山何處深

又

客生聞吠犬草茂有鳴蛙日昃方炊飯秋深始采茶

寄題廬陵王晉輔先輩桂堂

楚人記草木桂在椒蘭中我懷小山句妙絕窮化工  
唐人作山水亦以桂配松丹葩間綠葉錦繡相疊重

不知始何時巖桂開秋風楚人所稱者委棄等蒿蓬  
嗚呼各有時士豈怨不逢我作桂堂詩廣子雲夢胸

寄題王晉輔專春堂堂前皆種牡丹

三月風光不貸人千紅百紫已成塵牡丹底事開偏  
晚本自無心獨占春

鼠屢敗吾書偶得狸奴捕殺無虛日羣鼠幾空  
爲賦此詩

服役無人自炷香狸奴乃肯伴禪房晝眠共藉床敷  
暝夜坐同聞漏鼓長賈勇遂能空鼠穴策勦何止履  
胡腸魚殮雖薄真無媿不向花間捕蝶忙道士李勝之  
畫捕蝶獅猫以譏當世

讀唐書忠義傳

志士慕古人忠臣挺奇節就死有處所天日爲無色  
大義孰不知臨難欠健決我思臬卿髮可配嵇紹血

病後作

骨相坐一寒仕宦經百謫晚入文昌省又坐煩言嘖

詔書復收召付以大典冊期年甫奏篇皇恐亟自劾  
歸來稽山下三食新穫麥草屨布裙襦徒步老阡陌  
今年疾屢作况若將歸客道士言犯土拜章安舍宅  
巫言神去幹翦紙招魂魄把臂忽自悟此豈屋漏脈  
盡去囊中藥默觀鼻端白正氣徐自還鬼子何足磔

山中

草閣留雲宿溪橋引鶴行身閑詩曠逸心靜夢和平  
石乳無時滴松肪徹夜明山中足幽趣不是傲公卿

夜思

風掃浮雲作快晴窗聲終夜雜簾聲月明滿院鶻驚  
起霜冷壓栖雞懶鳴名字虛稱舊朝士門庭元是老  
書生尚餘一事猶堪喜北陌東阡醉太平

晨起

晨起梳頭雪滿膺可憐衰與病相乘浮名何足欺橫  
目真樂聊須付曲肱仕有俸錢渠亦好退無耕壟我  
何憑具牛力盡殊堪閔買犢東村恨未能



老態

破榼愁春近空困畏日長頭風便菊枕足痺倚藜床  
冉冉殘年逼悠悠萬事忘有兒堪晤語無客亦何妨

又

寡欲貧何損無才老更宜挂牆多漢刻插架半唐詩  
飯已頻摩腹兒來暫解頤尚悲吳蜀遠未免故人思

謂張季長

枕上

夜雨一再作燈前獨詠詩影看孤鶴瘦吟荅斷蛩悲  
幽夢悠然覺清笳何足吹殘年猶幾日已矣媿明時

贈過門道人

朝行市塵中奔馬不可及莫涉清溪流芒屨了不涇  
巖扉一丹竈山路兩書笈白驢可置掌童子亦絕粒  
邂逅安期生電逝不暇揖太華獨嶷然萬仞道傍立

道院雜興

江上霜風吹角巾東歸不獨爲吳萼掃除長劍華纓

夢收拾孤颿短棹身勾漏丹砂開竈晚商顏芝草滿  
山春東封敢擬迎鑿仗且作行歌陌上人

又

征途暗盡舊貂裘歸臥林間喜自由體倦尚憑書引  
睡心安不假酒攻愁丹爐弄火經年熟竹院聽琴竟  
日留今日理髯還一笑白間時有黑絲抽

又

早歲知聞久已空歸然猶有灞城翁東樓誰記傾春

碧敘州蓋古戎州也有東樓厨醞本名重碧范至能易為春碧北  
嶺空思擘晚紅北嶺在福州予少時與友人朱景參會嶺下僧

舍時秋晚荔子獨晚紅在冉冉流年霜鬢外纍纍荒塚綠  
蕪中琳房何日金丹熟老鶴猶堪萬里風

又

龜堂有叟富神通白髮何妨兩頰紅先取山川來掌  
上却移天地入壺中鸞花不老非塵世風月常新奪  
化工近作東籬君未見一尊少住莫怱怱

山村經行因施藥

閑行偶復到山村父老遮留共一尊曩日見公孫未  
睍如今已解牧雞豚

又

耕傭蠶婦共欣然得見先生定有年掃灑門庭拂床  
几瓦盆盛酒薦豚肩

又

兒扶一老候溪邊來告頭風久未痊不用更求芎芷

輩吾詩讀罷自醒然

又

驢肩每帶藥囊行村巷歡欣夾道迎共說向來曾活  
我生兒多以陸爲名

又

逆旅人家近野橋偶因秣蹇暫消搖村翁不解讀本  
草爭就先生辨藥苗

歎老

身歷遭回事萬端天教林下養衰殘文編似是他人  
作書卷如曾隔世觀久已悠悠置恩怨況能一一記  
悲懽牀頭周易真良藥不是書生強自寬

卽事

秃尾驢嘶小市門側蓬帆過古城村此生感慨知何  
限斗酒新豐不足論

又

草衣木食更何求穴處巢居過卽休尚恨未能全省  
事一竿風月釣滄洲

自賀

胎髮茸茸綠映巾歸耕猶是太平民流觴內史招同  
社扛鼎將軍與卜鄰弊居去蘭亭項里皆甚邇曾冠六鰲  
非俗吏已開九秩是陳人一盃剩約梅花醉又見開  
禧第二春

天氣作雪戲作

八十又過二與人風馬牛深知老當逸熟謂死方休

細衲兜羅襪奇温吉貝裘閉門薪炭足雪夜可無憂  
家風

春耕秋釣舊家風門巷荒寒屋壁空四海交情殘夢  
裏一生心事斷編中買魚日待攜籃女裹藥時從挾  
簾翁俗謂買藥爲裹藥便廢閑吟亦未可吾徒豈獨坐  
詩窮

十二月二日夜夢遊沈氏園亭

路近城南已怕行沈家園裏更傷情香穿客袖梅花  
在綠蘿寺橋春水生

又

城南小陌又逢春只見梅花不見人玉骨久成泉下  
土墨痕猶鏤壁間塵

江干

霜晴忽念到江干小蹇羸童路已乾骨相豈能當富  
貴鬢毛聊喜耐悲歡客途冬暝衣裘薄村市年豐酒  
醞寬殘臘卽今無十日剩求芹蓼助春盤

獨行過柳橋而歸

寒雲覆江干慘慘雪欲作草枯狐兔見鷹隼方縱搏  
老翁臥蓬戶疾痛在腰腳忽覺意稍佳快若解束縛  
呼童扶下堂西出度略約浮波見鳧雁決起驚烏鵲  
籬根犬迎吠碓下雞俛啄霜餘桑葉積春近柳枝弱  
徐行過傍舍醉笑盛醺酢歲莫農事休羨爾羣飲樂

戲遣老懷

平生碌碌本無奇況是年垂九十時阿囷略如郎罷  
老穉孫能伴太翁嬉花前騎竹強名馬階下埋盆便  
作池一笑不妨閑過日歎衰憂死却成癡

又

清羸正怯倚闌干紗帽還驚半指寬日漏雲端纔欲  
暝風催梅信又成寒尋僧竹院逢茶熟引鶴溪橋及  
雪殘只道捐書差似達庖丁數紙尚須看

又

兒時萬死避胡兵敢料時清畢此生已迫九齡身愈

健熟觀萬卷眼猶明深深小塢梅初動漱漱清溪水  
欲平安得飄然從此逝緱山風月聽吹笙

又

舊襲家風號散人晚承恩詔賜閑身放狂泥酒都忘  
老厚價收書不似貧霜曉方驚羣木脫春晴又喜一  
花新先生偶出人難遇陌上爭先看角巾

又

本意歸來老故丘閉門飯足尚何求閑雲一片自舒  
卷幽鳥數聲相應訓但得有書時到眼正令無酒亦  
忘憂東籬偏仄纔尋丈已敵征西萬戶侯

對鏡

歲月雖遄邁形容未苦癯髮如新沐潤顏似半酣朱  
書讀常終卷山行亦却扶悠悠隨日過不復歎頭顱

晨起

客枕畏霜氣曉窗收月痕芸芸萬物作皎皎一心存  
老已忘開卷貧猶力灌園兒孫能繼此亦足報君恩

吾年過八十

吾年過八十久已棄朝簪化蝶有殘夢焦桐無賞音  
溪聲喧夜旦野色變晴陰欲講平生學茫然不可尋

又

八十又過二自言名放翁斧斤遺壽櫟雲海寄冥鴻  
酒挂驢鞍側詩投藥笈中瀾城逢藟叟共語莫匆匆  
快筆述志  
椎牛醜酒千人帳破浪凌風萬斛船常恨書生無此  
快筆一生低首短檠前  
新豐買酒慰無聊衝雪騎驢上灞橋  
老尚堪吞豨子松風何至羨山苗

排悶

吹盡梅花了不知化工也誤老人期離離新草隨愁  
出漠漠餘寒與睡宜古錦一聯吟舊句文楸數著理  
殘棋波生澄澗君何怪禪榻從來映鬢絲



舟中作  
林麓重重霧雨昏  
扁舟晚過郡南門  
鑄金越相遺祠  
古執玉塗山王氣存  
官道蒼茫多水驛  
客遊飄泊厭  
風殄剡中此去無多地  
會約支公聽斷猿

丙寅元日

縹緲初聞寺閣鐘  
霏微零雨北年豐  
家家椒酒歡聲  
裏戶戶桃符霽色中  
春枕方濃從賣困  
社醅雖美倦  
沿輦從今萬事俱拋擲  
且作人間百歲翁

新晴

夜雨空堦滴到明  
山雲忽斂作新晴  
門前月淡有檐  
影牆外泥乾無屐聲  
與世日疎愁易遣  
入春得暝疾  
差平便當剩作滄洲趣  
寄語沙鷗勿敗盟

新歲

改歲鍾馗在依然  
舊綠襦老庖  
供饌飪跣婢  
暝屠蘇  
載糗送窮鬼  
扶箕迎紫姑  
兒童欺老曠  
明燭聚呼盧

簡邢德允

邢子襟靈舊絕塵爾來句法更清新淡交喜得山栖  
友傑作疑非火食人豈但僕奴看屈子直須塗改到  
生民與君兩世交情厚剩欲燈前對角巾

簡蘇邵叟

君家文獻歷十朝魏公我冤加金貂孫支得君愈雋  
發貴名突兀凌煙霄居吳入蜀三十載諸公孰能折  
簡招澗松意氣極磊砢天馬毛骨何超遙鼎來行卷  
十九首縱山明月聞吹簫沉香亭畔未須說想見風  
雪上灞橋老夫誦之羣玉府學士如堵不敢驕爾來  
一編愈妙絕粲若新霽瞻斗杓出爲龍首子何有老  
穿豹尾我亦聊湖邊酒樓無十步胸次蕩蕩思同澆

東村

信脚村墟路歸來日未西波清魚隊密風小鵲巢低  
白永初平岸青蕪亦徧犁市壚多美酒飲具不須齎

新曆歎

新曆在手心怕開日月聯翩相續來黃金散盡自一

快白髮不貸真可哀無爲健羨廣成子千二百年終  
有死膠不可黏西去日刀何由翦東流水酒無醇醪  
但痛飲市醞上尊俱醉耳堂堂七尺死卽休不飽烏  
鳶飽螻螿

雪中

忽忽悲窮處悠悠感歲華莫雲如潑墨春雪不成花  
眼澀燈生暈詩成字半斜殘尊已傾盡試起問東家

又

春晝雪如篔清羸病起時跡深驚虎過煙絕閔僧飢  
地凍萱芽短林寒鳥唳遲西窗斜日晚呵手斂殘棋

早春出遊

微雲薄靄新晴後小蓋輕輿古道遙林杪幽禽初學  
轉牆陰凍雪未全消酒壚日暮收青旆市步人歸擁  
畫橈欹帽捫髯常半醉逢人誰與話無繆

又

人生何適不艱難賴是胸中萬斛寬尺宅常朱那待

酒上池頻飲自成丹楚祠花發呼舟去禹穴雲生倚  
杖看更有新春堪喜事一村簫鼓祭蠶官

東籬

東籬深僻嬾衣裳書卷縱橫雜藥囊無吏徵租終日  
睡得錢沽酒一春狂新營茅舍軒窗靜旋煮山蔬七  
筍香戲集句圖書素壁本來無事却成忙

又

漫道深居晝掩關東籬栽接不曾閑每因清夢遊敷  
水自覺前身隱華山花發時時攜綠酒客來往往羨  
朱顏藥爐安著猶無地擬展茅茨一兩間

又

東偏隙地作疎籬遇興無非一笑時陪客投壺新罰  
酒與兒鬪草又輸詩山桃溪杏栽俱活藥鑿漁竿動  
自隨家事猶令罷關白固應黜陟不曾知

村市醉歸

明時乞得水雲身白首扶衰又見春橫木門幽謝來

客獨轆車小避行人湘湖水長蕤絲滑蘭渚泥融箭  
茁新處處酒壚皆可醉不辭微雨墊吾巾

村夜

入春雨雪無休日雨止猶陰未快晴萬竅怒號風不  
定半輪斜照月微明百年辛苦農桑業五處睽離父  
子情但得平安已爲幸孤燈殘火過三更時子虞調官  
行在子龍阻風西陵子修在閩子坦在海昌子與子布子通守舍

旅思

百病集殘骸閑遊且散懷旅裝如遠役蔬食似長齋  
買藥停山步求醫過縣街春寒殊未已閉戶夜燃藍

對酒作

憑閣風吹帽穿林雨墊巾相呼十日飲不負百年身  
陌上金羈馬墳前石琢麟於吾竟何有笑殺武陵人

遊東村

露草衡門曉風松一塢幽新春有佳日老子得閑遊  
鷗爲忘機下魚緣得計浮歸途無遠近一葉亂漁舟

晨起

老境真無事，深居每畏人。  
嗻咿雞失日，姪姹鳥鳴春。  
過擔餒餽白，擎盤炬妝新。  
出門還可喜，一笑語比鄰。  
夢中作

世事何由可控搏，故山歸臥有餘歡。  
澗泉見底藥根瘦，石室生雲丹竈寒。  
人遠忽聞清獻起，山開頻得異書看。  
一朝出赴安期約，萬里煙霄駕紫鸞。

春雨

片片紅梅落，纖纖綠草生。  
無端夜來雨，又礙出門行。  
又

春陰易成雨，客病不禁寒。  
又與梅花別，無因一倚欄。  
又

胸懷阮步兵，詩句謝宣城。  
今夕俱參透，焚香聽雨聲。  
又

疎點空堦雨，長明古殿燈。  
廬山岑寂夜，我是定中僧。  
村店

水汎輕搖楫山行穩跨驢朝晡半晴雨閭里雜樵漁  
野鷺浮寒浦飢鴉集老樗店家看壞壁忽見昔年書  
久雨薪炭食飲俱不繼戲作

澤國春饒雨書生老益貧固難誇練炭亦豈擇勞薪  
鹽盡纔供莫醯微尚惱鄰人嗤信書誤癡絕望常珍  
溪上雨客語不禁寒又與  
偶就澄溪照幅巾蘭亭遺韻想清真功名不入山林  
夢詩酒猶關老病身萬事只增思魯歎百年常媿避  
秦人超然聊喜高情在手挈長條貫細鱗  
謝君寄一犁春雨圖求詩爲作絕句

說著功名我自羞喜君解劍換吳牛莫將江上一犁  
雨輕博人間萬戶侯

又

老農雖瘠喜牛肥回首紅塵萬事非耕罷春蕪天欲

莫小舟衝雨載犁歸

二月一日夜夢

夢裏遇奇士高樓酣且歌  
霸圖輕管樂王道探丘軻  
大指如符券微瑕互琢磨  
相知殊恨晚所得不勝多  
勝算觀天定精忠壓虜和  
真當起莘渭何止復關河  
陣法參奇正戎旃相蕩摩  
覺來空雨泣壯志已蹉跎

新晴

寂寂房櫳鳥雀聲熏籠茶竈正  
施行繁花滿樹春纔  
半斜日穿雲雨乍晴引睡書橫猶在架圍棋客散但  
空枰病懷莫道傷幽獨小榼芳醪手自傾

又

挂冠湖上遂吾初捫腹消搖適有餘  
羹煑野蔬元足  
味屋茨生草亦安居市墟分熟通賒酒鄰舍情深許  
借驢更喜新晴滿窗日籤題重整一牀書

望永思陵

高帝中興萬物春青衫曾忝綴廷紳仕爲將相却常  
事年及耄期能幾人早幸執殳觀北伐晚叨秉筆記  
東巡歸畊況復蒼梧近鬱鬱葱葱佳氣新  
紹興末駕幸



金陵游適在朝列淳熙末上命羣臣齊集文華閣修高宗實錄游首被  
選

燈下小酌

江湖雙鬢禿宇宙一身窮酒浪搖輕碧燈花落碎紅  
交情元易見春事半成空尚覲身強健煙畦擷芥菘

春遊

杏花天氣喜新晴白首書生樂太平小陌鞦韆雖隔  
世名園被楔尚關情山林自古流觴地絃管誰家送  
酒聲莼菜鯊魚初滿市莫將羊酪敵南烹

又

窮愁終日竟胡爲老健人間自一奇每駕柴車遊古  
寺間騎竹馬伴羣兒登臨蘭渚流觴地蘭亭本名蘭渚  
蕭散狐泉冷燹時練布單衣白羽扇路傍人總道相  
宜

春日雜賦

羈懷病思正厭厭詩卷漁竿信手拈老境何嘗忘一

笑春風也解到窮閭殘花滿地無餘萼新筍掀泥已  
露尖轉老轉窮君勿笑熊蹯魚腹豈容兼

又

鬢毛八九已成霜此際逢春只自傷苦雨不容花抵  
敵餘寒猶賴酒禁當退紅衣焙熏香冷古錦詩囊覓  
句忙堪笑散人閑事業西窗容易又斜陽

唐樂府云床

上小熏籠韶州新退紅

又

江湖放浪水雲人藥物枝梧夢幻身移竹南窗初試  
筍掃花北陌旋成塵窮忙自笑常終日老健猶能不  
負春未遂初心惟一事乞薪賒米惱吾鄰

又

乞得身歸剡曲邊衡門茅舍共蕭然向來誤計守書  
冊此日遣愁無酒錢俗客妬閑來袞袞流年欺老去  
翩翩梨花楊柳清明過且向江村剩放顛

又

人生覓飯元多術最下方爲祿代耕脫却朝衫猶老  
健快如苦雨得春晴鳥聲頻喚五更夢花氣頓醒三  
日醒最喜晨興聞剝啄吾兒書札到柴荆

悲歌行

讀書不能遂吾志屬文不能盡吾才遠遊方樂歸太  
早大藥未就老已催結廬城南十里近柴門正對湖  
山開有時野行桑下宿亦或慟哭中途回檀公畫計  
三十六不如一篇歸去來紫駝之峯玄熊掌不如飯  
豆羹芋魁腰間纍纍六相印不如高臥鼻息轟春雷  
安得寶瑟五十弦爲我寫盡無窮哀

梅市莫歸三山

日日蠻童佩一壺壺乾時亦復村酤橫林露塔遠猶  
見莫靄籠山淡欲無綠浦例憑菰作界畫橈常遣鷺  
前驅此身元是滄浪客敢學高人乞鏡湖

龜堂偶題

文章何物求渠力詩亦安能使汝窮春水一池花百

本此生未易報天公

又

細肋臥沙來左輔巨螯斫雪出東吳不知一飽摩便  
腹得似茅檐薺糝無

泛湖

白鷺雙飛導我前自疑身是水中仙放舟漢客樵風  
裏擲釣秦皇酒瓮邊山寺雲間傳講鼓漁家浦口起  
炊煙箇中得意君知否買盡煙波不用錢

劍南詩稿卷第六十五終

次野南中... 香買... 不... 賦...  
 美... 山... 詩... 魚... 口...  
 白... 水... 山... 莫... 蘇...  
 東... 映... 一... 惟...

劍南詩稿目錄  
卷第六十六

園中作

寄題求志堂

贈過門道人

春晚

二首

梨花三首

農桑四首

自嘲

春晚

二首

閉戶

晨起

出遊四首

曳杖

自

詠

雜興五首

雜感六首

雨聲

書感

自

書意

讀唐書

雜題四首

栽牡丹

夜聞

姑惡

哭開孫

晚春東園作二首

禽聲

秦皇酒瓮下垂釣偶賦

出遊歸鞍上口占

閒詠

雨 立夏

孤寂

明日觀孤寂詩不

覺大笑作長句自解

初夏出遊三首

自詠

五更聞雨思季長

醉中作

溪園

初夏

閒居八首

子坦今秋鹽官市征當滿作絕句

寄之

子通調官得永平錢監待次甚遠寄詩

寬其意蓋將與之偕行也

送韓立道守池州

野興四首

東齋雜書十二首

梅市

初夏

幽居四首 泛舟至近村茅徐兩舍勞以尊酒  
賈再次前韻 題陳伯予主簿所藏秦少游像

春入梅并序 北窗雨中作 戲書觸目 春四  
月二十八日作二首

正更聞雨思李吳 輅中并 吳園 既夏  
曩天笑并是向自強 既夏出遊三首 自結

閑籍 雨 立夏 既日 既日 既日 既日 既日  
素皇 既日 不垂 既日 既日 既日 既日 既日

秋惡 哭開結 柳春東園并二首 禽羣  
善意 結書書 將與四首 殊并共 交開

痛 數與五首 既與六首 函翠 書意  
二首 閑只 是也 出遊四首 吏林 自

二首 樂林三首 惠桑四首 自勝 春朝  
園中并 香幾末志堂 韻遊門登入 春朝

論者持論目

劍南詩稿卷第六十六

宋陸游務觀

園中作

疎籬圍中庭野水赴方塘  
春雨路易乾徐步蹋夕陽  
豔豔紅杏梢忽已占年光  
我老來日短乃復不自量  
接花待其成鄰里共笑狂  
萬事孰能料社櫟老不僵  
磊磊盤中果安知不獲嘗  
作詩遣閑愁一笑無留觴

寄題求志堂

古人不輕出出則堯舜其君民  
古人不輕隱隱則坐使風俗淳  
孰知後世乃不然唐虞日遠如  
飛煙異端欲出六籍上裔夷直  
居中夏先窮居求志達行道儻  
不塞責真負天士固不可苟富  
貴顧亦豈可徒貧賤如其一念  
有媿心寧不終身戴慚面老夫  
少年鐵鑄硯欲窺聖門終未見  
祝君勿恃來日長八九十年如



掣電

贈過門道人

賣藥人間兩屨輕飄然雲水不論程  
曉經浦口亂流渡夜宿山家乘月行

春晚

門巷蕭條老病侵春晴方快又春陰  
啄吞自笑如孤鶴導引何妨効五禽  
雨洗杏花紅欲盡日烘楊柳綠初深  
雛鸞寧有平生舊也傍茆檐送好音

又

村巷泥深晝掩門倚闌搔首一消魂  
花經風雨人方惜士在江湖道更尊  
擘浪忽看魚對躍入雲時見鶴孤鷺  
向來莘渭今安在歎息誰能起九原

梨花

開向春殘不恨遲綠楊率地最相宜  
征西幕府煎茶地一幅邊鸞畫折枝  
宣司靜鎮堂屏上有邊鸞梨花

又

粉淡香清自一家未容桃李占年華常思南鄭清明  
路醉裏迎風雪一杓

又

嘉陵江色嫩如藍鳳集山光照馬銜楊柳梨花迎客  
處至今時夢到城南

農桑

農事初興未苦忙且支漏屋補頽牆山歌高下皆成  
調野水縱橫自入塘

又

水長人家浸稻秧蠶生女手摘桑黃差科未起身無  
事鄰曲相過日正長

又

采桑蠶婦念蠶飢陌上忽忽負籠歸却羨鄰家下湖  
早畫船青繖去如飛

又

蠶如黑螳稻青鍼夫婦畊桑各苦心但得老親供養

足不差布袂與蒿簪

自嘲

野叟身常雜傭保  
萊圃荒庭自鋤掃  
小兒畊養董董  
足大兒游宦垂垂  
老朝餐未破百  
瓮齋晚餉猶存  
兩困棗春粳但備  
翁作糜儲帛纔  
堪孫裂袂賢愚  
元自一王尊癡  
鈍寧論萬馮道  
可憐對客猶自  
矜談道能令君  
絕倒

春晚

寂寞又過桃李時  
東園微雨草離離  
破困食外有餘粟  
殘髮白中生  
黑絲小疾已能忘  
藥石餘年寧復問  
著龜飾巾待盡  
從來事閉戶燒  
香更不疑

又

正見山陂草木芽  
狂風忽掃萬枝花  
病懷久已忘春事  
老眼猶能惜物華  
枕上有詩頻自改  
尊中無酒不妨  
賒昔人漫道傷  
幽獨野鶴分巢  
卽是家

閉戶

乞身林下養衰殘，閉戶寧容外物干。  
正使有爲終淡泊，未能無疾已輕安。  
寸陰息念如年永，丈室端居抵海寬。  
老子爾來深達此，却嫌兒女話團圓。

晨起

初聽高枝鷓鴣鳴，旋聞深井轆轤聲。  
煙籠小閣猶疑雨，日射東窗頓作晴。  
古洗注湯供頽濯，春畦摘菜  
魚烹老人頽情，雖堪笑終勝胃中懷不平。

出遊

九日陰薶一日晴，此行處處是丹青。  
斷雲零落江郊路，壽木輪囷古驛亭。  
盃婦微行望畊壠，漁歌相和起煙汀。  
拔山意氣今何在，猶有遺祠可乞靈。  
路過項羽廟

又

近過父老遠尋僧，病起經行力漸增。  
織室踟機鳴軋軋，稻陂豬水築登登。  
淺深村落時分徑，高下川原自作層。  
薄莫到家還熟睡，隔林鐘鼓報晨興。

又

吳地清明未減寒梨花初動杏花殘平沙漫漫人爭  
渡微雨蕭蕭客跨鞍野寺吹螺作春會山郵糴米具  
朝餐已開九帙吾何覲時說金丹強自寬

又

東阡南陌適逢晴小蹇輕裝短作程白水滿陂秧馬  
躍綠陰遶舍緯車鳴過村小婦憑牆看入寺高人攬  
袂迎剩倩東風吹柳絮放翁詩到此時成

曳杖

曳杖寄彷徨徐行轉曲廊病知貪酒害老悔愛花狂  
庭樹雲收影簾旌雨浥香悠然有佳處物我兩相忘

自詠

曾著杞菊賦自名桑苧翁常開羅爵網不下釣魚筒  
租稅先期畢陂塘與衆同士章八十字世世寫屏風  
子寫孝經士章八十四字爲屏風

雜興

謀生在衣食不仕當作農識字讀農書豈不賢雕蟲

婦當娶農家養蠶事炊春晨耕候春扈夜織驚秋蛩  
畦蔬勝肉羹社酒如粥釀毋爲慕朝憤詔笑求見容

又

家世本臞儒自奉至儉薄肉食固難期間亦闕鹽酪  
賓朋飯芋豆時節羹藜藿偶然設鷄豚變色相與作  
家居常守此自計豈不樂蔬園畏蹴蹋切勿思大嚼

又

家本徙壽春遭亂建炎初南來避狂寇乃復遇強胡  
于時髡兩髦幾不保頭顱亂定不敢歸三載東陽居  
人事固難料今乃八十餘努力未死間讀我先人書

又

讀詩讀七月治書治無逸王業與農功事異理則一  
此外復何爲齊民有遺術一飽不啻足切勿爲利誅  
大屋起道傍百鬼闕其室曷不觀陸翁食菜開九帙

又

三吳氣候異開歲固多雨今年已莫春霽日僅可數

寒氣薄腠理沉痛結心膺遣奴買藥物日夜事炮煑  
端居情懷惡欲出泥淖阻安得平生歡駕言問良苦

雜感

病臥踐衰境躬畊歸故園怒蛙號廢沼妖鵬嘯荒村  
里巷魚殮薄坊場黍酒渾相逢欲話舊意極轉忘言

又

道進身垂老方靈病已侵知難逃死籍猶得遂歸心  
星斗開孤劍塵埃拂素琴妄庸常袞袞誰與論幽深

又

雨霽花無幾愁多酒不支淒涼數聲笛零亂一枰棋  
蹈海言猶在移山志未衰何人知壯士擊筑有餘悲

又

草徑纔容步茅廬僅庇床原貧道尊顯同大死芬芳  
弦誦喧清曉鉏耰滿夕陽此風能不墜韋布亦何傷

又

早仕讒銷骨遲歸悔噬臍短衣猶掩脛窮巷固多泥

婢喜蠶三幼鄉中謂蠶眠爲幼奴貪雨一犁衡茅明我  
眼刮膜謝金篦

又

春晚晴還雨村深醉復醒溪添半篙綠山可一窗青  
藥品隨長鏡花名記小屏閑身幸無事吟嘯送餘齡  
兩顰

吾園畜兩顰善驚未易馴及今纔幾時弭耳常依人  
飢食園中草渴飲溝澗濱時時輟餘糧亦未耗吾困  
吏或無佳政盜賊起齊民孰能撫以德坐還三代醇  
書感

疋馬曾爲塞上游東歸幾見剡川秋故城廢市古今  
歎斷角殘鐘朝暮愁尺寸無功真碌碌耄期未死轉  
悠悠阿奴尚喜強人意三日於菟氣食牛開孫以二月  
二十日拏碎盤

書意

萬事馬牛風蕭然破屋中忍貧增力量耐辱見神通



道進天魔散心安客疾空微言施魚鳥一一脫池籠  
讀唐書

力行可使金如土篤好能徠馬若龍斗米三錢本常  
事風雲千載自難逢

雜題

貧中得味如飧蔗語下明心似到鄉對客欲談渾忘  
却笑呼童子替燒香

又

半飽半飢窮境界知晴知雨病形骸軒昂似鶴那求  
料枯槁如僧不赴齋

又

傳家只要存書種學道當知養聖胎寧使終身遷比  
景莫令一物汗靈臺

又

大兒都門久栖栖小兒調官今復西鄰家父子我所  
羨泥水沒膝扶畊犁

栽牡丹

攜鋤庭下斲蒼苔墨紫輕紅手自栽老子龍鍾逾八十死前猶見幾回開

夜聞姑惡

學道當於萬事輕可憐力淺未忘情孤愁忽起不可耐風雨溪頭姑惡聲

哭開孫

學步漸扶床乘車已駕羊虛稱砌臺使不遇玉函方杳杳天難問茫茫夜正長寂寥誰伴汝蕭寺閉空房

晚春東園作

雨餘木葉綠成陰一日身閑直萬金習氣自嫌除未盡烏啼花落尚關心

又

女郎花開春事闌王孫草長思婦歎蜂釀蜜脾猶未熟雨催梅頰已微丹

禽聲

布穀布穀天未明架犁架犁人起畊宦途不似農家  
樂東作西成過此生

女順秦皇酒瓮下垂釣偶賦

酒瓮山邊古釣磯沙鷗與我共斜暉目前雖有小得  
喪天下豈無公是非滄海橫流何日定古人復起欲  
誰歸道邊醉倒君奚憾豈失風塵一布衣

出遊歸鞍上口占

渺渺煙波飛槩去迢迢桑野策驢還寄懷楚水吳山  
外得意唐詩晉帖間每惜好春如我老誰能長日伴  
人閑世間自是無兼得勛業元非造物慳

臨風閑詠

本志常思退前緣剩得閑聽猿來剡縣采藥上稽山  
超絕風塵表瑩然冰雪顏向來香火地五綴羽衣班

十張雨

前風爽爽回聞

曉望橫斜映水亭莫看飄灑溼簾旌不嫌平野蒼茫  
色實厭空堦點滴聲上策莫如常熟睡少安毋躁會

當晴且將穡事傳童稚未插秧時正好畊  
立夏

赤幟插城扉東君整駕歸泥新巢燕鬧花盡蜜蜂稀  
槐柳陰初密簾櫳暑尚微日斜湯沐罷熟練試單衣

孤寂

晚境諸兒少在傍書堂孤寂似僧房家居不減旅懷  
惡夏夜尚如寒漏長數筋筍齋甘淡薄半盂麥飯喜  
豐穰愚儒幸自元無事日課朱黃自作忙

明日觀孤寂詩不覺大笑作長句自解

獨處將如長夜何直將寂寞養天和愛身不惰如懷  
壁守氣無虧似塞河塵篋空存獲麟筆煙陂懶和飯  
牛歌年來勛業君知否纛下新降百萬魔

初夏出遊

早緣疎拙遂歸畊晚爲沉緜得養生藥鑿釣竿緣已  
熟海村山市眼偏明安西萬里人何在廣武千年恨  
未平但使蓮峯歸路穩亦無閑手揖公卿

平生與世曠周旋惟有清遊意獨便小竈炊菰山市  
口東芻秣蹇海雲邊春融恨欠舒長日秋爽已悲搖  
落天首夏清和真妙語爲君誦此一欣然

又

泥鞦樓鞵雨墊巾閑遊又送一年春長歌聊對聖賢  
酒羸病極知朝莫人廢堞荒郊閑吊古朱櫻青杏正  
嘗新桃源自愛山川美未必當時是避秦

自詠

龜屋裁小冠鹿皮製短裘陸駕少游車水泛淵明舟  
山澤與城市有路即可遊或時一飯去間亦旬日留  
方見草木萌忽已天地秋淘丹雲澗冷采藥乳穴幽  
逢人亦欣然有問乃不訓摩挲金銅人千載寄悠悠  
五更聞雨思季長

幽叢鳴姑惡高樹號杜宇驚回千里夢聽此五更雨  
展轉窗未明更覺心獨苦天涯懷故人安得插兩羽

醉中作

小市鐘聲斷高樓月色新醉眠當大路狂舞屬行人  
有客要元亮無妻諫伯倫山花信手插不復惜烏巾

溪園

跌宕欲忘形溪園半醉醒靜看猿哺果閑愛鶴梳翎  
矮榻水紋簟虛齋山字屏更須新月夜風露對青冥

初夏閑居

雲液初筍小瓮香風漪乍展北窗涼巢乾燕乳蟲供  
哺花過蜂閑蜜滿房閉戶不知春已去鈔書但覺日  
方長所嗟詩思年來減虛負奚奴古錦囊

又

川雲漠漠雨冥冥濁酒閑傾不滿瓶蠶簇尚寒憂繭  
薄稻陂初滿喜秧青王師護塞方屯甲親詔憂民已  
放了病起自憐猶健在不須求應少微星

又

松棚黯黯接虛堂掃地燒香旋置床密葉留花供淺

酌斷雲障日作微涼高城薄莫聞吹角小市豐年有  
戲場白首史官閑盡歲祗將搜句答流光

又

城上朱旗夏令初溪頭綠水蘸菰蒲花貪結子無遺  
萼燕接飛蟲正哺雛簫鼓賽蠶人盡醉陂塘移稻客  
相呼鄉中謂傭畊者爲客長安青蓋金羈馬也有農家  
此樂無

又

啜茗清風兩腋生西齋雅具愜幽情熏衣過後篝爐  
冷展卷終時嬾架橫巢燕何曾擇貧富鳴鳩元不爲  
陰晴但能與物俱無著小草新詩取次成

又

野水楓林久寄家慣將枯淡作生涯小樓有月聽吹  
笛深院無風看磴茶靜岸葛巾穿蒼蔚閑拖筇杖入  
谿衙平居每與兒孫說切勿人前一語誇

又

# 原书缺页



# 原书缺页

吾廬雖甚陋窗扉亦疎明開卷冬日暝曲肱暑風清  
昨日一鳥鳴今日一木榮欣然與之接悲慨何由生

又

吾貧無時醒日月忽遄邁空林春采甚荒穞秋種稗  
孤學有自來飢死奚足怪箸書充棟宇一字不肯賣

又

負負無可言上上不須說天壤大如許我獨身子子  
苟合不可爲萬事聽瓦裂年登麥飯足得酒且勤歡

又

有客可劇談有酒可盡醉老夫老更窮終日惟坐睡  
旣無客款門酒亦未易致頽然北窗下兀兀有餘味

又

下帷聽雨聲開戶延月色霏霏半篆香湛湛一池墨  
徐行舒血脈危坐學踵息吾聞諸先賢養生莫如齋

又

門低不通車室隘劣容膝掩脛無全衣作字用挫筆

親朋孰可望門內自相恤一笑語吾兒汝馭未須叱

又

區芋常願雨秧菜常願晴吾兒行渡江晨起愁風生  
人生各徇私夫豈造物情孰能均此意萬里皆春畊

又

吾居魚鱉鄉戒食兼鮮藁雞鶩以御客乃者亦一掃  
區區仁愛心殆可質蒼昊物情豈遠哉我亦吝肝腦

又

藝花恨不茂薙草欲其盡心常墮貪愛否則近殘忍  
蝶網猶翩翩蚓斷更菌蠢君其等觀之何者非可閔

又

藥與疾相當何恙不能已良醫善用藥疾去藥亦止  
晨哺節飲食勞佚時臥起藉白米長生耄期直易爾

又

養生有妙理省事與寡言于此能力守衆說皆其藩  
擾擾斲汝本饒饒傷汝魂要當俱置之息深睡自温

又

學者學聖人斯須不容苟百年樂簞瓢千載仰山斗  
家庭盛弦誦父子相師友但令書種存勿媿畊壠畝  
梅市

沙際人家半掩扉借炊小住不相違水生溪面大魚  
躍風定草頭雙蝶飛竹院遊僧聞鼓集煙畦老圃荷  
鋤歸浩然物外真堪樂回首浮生萬事非

初夏幽居

日長巷陌曬絲香雨霽郊原割麥忙小擔過門嘗冷  
粉微風解籜看新篁傍籬鄰婦收魚笱叩戶村醫送  
藥方欲到湖邊還懶動悠然扶杖立斜陽

又

虛堂一幅接羅巾竹樹森疎夏令新瓶竭重招麴道  
士牀空新聘竹夫人寒龜不食猶能壽弊帚何施亦  
自珍枕簟北窗寧有厭小山終日對嶙峋

又

野草幽花無歇時一窗終日對東籬  
病猶獨醉雖堪笑老未全衰亦自奇  
古紙硬黃臨晉帖矮牋勻碧錄  
唐詩箇中疑是忘憂處問著山翁却不知

又

東園梅熟杏初丹老子披襟每不冠  
古硯坡陀麝煤綠小山蔥蒨石盆寒  
移床剩欲眠松塢鼓柁還思泊  
蓼灘未用絲毫辨差等黃塵終勝客長安  
泛舟至近村茅徐兩舍勞以尊酒

小舸悠颺亦樂哉迢迢故取北村回  
山從樹外參差出水自城陰曲折來  
樂歲共忘東作苦殘租不待急符催  
舊鄰父老睽離久喚取開顏把一盃

再次前韻

少壯卽今安在哉輕舟訪舊莫輕回  
兒童擁岸迎舟入婦女窺籬喜客來  
多難只成雙鬢改流年更著莫笳催  
放懷魚鳥平生事少住茅檐盡此盃

題陳伯予主簿所藏秦少游像